



BIBLIOTHECA
UNIV. IAGELL.
CRACOVENSIS

Kat. Komp.

35312


I

Mag. St. Dr.

P

THEOLOGIA.

N. 97.



35312

I

X. m. 21

C.

F.

Ibid

VEN

T

R E


SUP

e

MANUALE
CONFESSARIORUM
ORDINIS
CAPUCCINORUM,
AUCTORE
F. BERNARDO

à BONONIA

Ibidem S. Theologiæ LECTORE.
VENETIIS 1737. IMPRESSUM,



CRACOVIAE
TYPIS VNIVERSITATIS
REIMPRESSVM.
SUPERIORUM PERMISSU.

Anno Domini 1752.

XXIV. 6. 37

DE Rev. P. Gen. Mandato Opusculum
attentè perlegi, cui Titulus est: *MANU-
ALE CONFESSARIORUM ORDINIS
CAPUCCINORUM* à R. P. BERNARDO
à Bononia Compositum: Ex quo sicut solita
Auctoris ingenii dexteritas panditur, qui ex
floribus vastissimi Sacrae Theologiae Moralis
hortus hinc inde sparsis fasciculum Confesso-
ribus valde utilem, ac ob eorum odorem, par-
vitatēque prae manibus facilius tenendum,
mira suavitate confecit: Sic cum nihil à Ca-
tholica Fide, Apostolicis Sanctionibus, bo-
nisque Moribus alienum contineat, non est
cur, ut Typis mandari possit, impediatur.
Ita censeo, salvo semper meliori iudicio.

Romae in Conyentu Immaculatae Concepti-
onis 13. Martii 1737.

Fr. Joachimus à Barcinone
S. Theologia Praeceptor, ac
Secr. Rev. P. Gen. Capucc.

EX commissione Reverendissimi mei P.
Generalis legi attentè *MANUALE
CONFESSARIORUM*, à R. P. BERNAR-
DO de Bononia Conc. ac SS. Theologiae Le-
ctore compilatum cumque in illo omnia soli-
de

da doctrinae conformia, & fini intento oportuna extent, id typis mandandum esse, censeo.

Romæ 16. Maii 1737.

Fr. Michael Jugiensis Capucc.

I. Secret. Generalis Germaniae,

et antehac S.S. Theologiae

Lector.

Nos Fr. Bonaventura à Ferraria totius Ord.
FF. Minorum Sancti Francisci Capuccino-
rum Nuncupatorum Minister Generalis
(l. im.)

CUM Opus, cuius titulus est **MANUALE**
COFESSARIORUM Ordinis Capuccinorum
à P. Bernardo à Bononia nostri Ordinis Con-
cionatore, ac Sacrae Theologiae Lectore com-
positum, duo ejusdem Ordinis Nostri, quibus
id commisimus recognoverint, & in lucem
edi polle probaverint tenore praesentium, fa-
cultatem impertimur, ut servatis Reliquis
de jure, ac more servandis, Typis mandetur,
si iis, ad quos spectat, bene in Domino
visum fuerit.

Datum Romæ die 15. Martii 1737.

F. Bonaventura Min. Gen.

CEN-

CENSURA ORDINARIJ

MANUALE CONFESSARIORUM ORDINIS CAPUCCINORUM.

REIMPRIMATUR.

M. CASIMIRUS PAŁASZOWSKI, Sacrae Theologiae DOCTOR & PROFESSOR, CANONICUS Cathedralis Cracoviensis, &c. Librorum per Diocesim Cracoviensem CENSOR.

Datum Cracoviae in Collegio Majori Universitatis Cracoviensis Die 22. Februarii.

Annâ Domini 1752.

impr.

ELENCHUS

(S)(T)(S)

ELENCHUS MATERIARUM
quæ in hoc Opusculo continentur.

De Confessariorum Institutione.

C A P V T I.

- §. I. Quis Ordinariam habeat Facultatem excipi-
endi Confessiones? - - - Folio 1.
§. II. Delegata facultatem quomodo quis obtineat f. 2.
§. III. Ab Episcopis an, & quomodo expetenda sit ap-
probatio vel Jurisdictio. Fol. 4.
§. IV. De dependentia à Prælati Ordinis fol: 7.
§. V. Extensio Approbationis & Jurisdictionis
intra Ordinem. - - - fol? 10.

De Confessario eligendo.

C A P V T II.

- §. I. De Eligendo Confessario quoad permanentes in
Conventu. - - - Fol: 12.
§. II. Quoad itinerantes. - - - Fol: 16.

**De Potestate Confessarij intra
Ordinem.**

C A P V T III.

- §. I. Quomodo in Ordine Nostro Confessarij pote-
tas extendatur. - - - Fol: 18.
§. II. Enumerantur Privilegia Fol: 20.
§. III. Aliquorum Privilegiorum in praxi expositio 24.

De

De Potestate Confessarij extra Ordinem.

C A P U T IV.

- §. I. Capucinatorum integra potestas Confessiones Se-
cularium excipiendi. - - Fol. 26.
§. II. Privilegia recensentur quoad absolutionem 29.
§. III. Privilegia quoad Dispensationes. 33.
§. IV. Additio quoad Missionarios Fol. 38.
§. V. Restrictio in ijs, quæ sunt de jure Episcopo-
rum. - - - Fol. 40.

De Casibus Reservatis.

C A P U T V.

- §. I. Doctrina aliqua prævia, Fol. 42.
§. II. Casus Reservati pro Regularibus. 44.
§. III. Sex Casus Reservati pro secularibus, 56.
§. IV. Casus Bullæ Cane - - Fol. 59.

De Præsentatione pro Reservatis.

C A P U T VI

- §. I. Dispositio præsentationis pro Ordine 63.
§. II. Cautela Confessarij & Penitentis pro præsen-
tatione - - Fol. 64.
§. III. Modus præsentationis à Confessario faci-
enda - - Fol. 66.
§. IV. Quomodo tollatur onus præsentationis. 69.
§. V. Præsentatio pro Casibus Papæ Reservatis 72.
§. VI. Præsentatio pro Casibus Episcopo reser-
vatis. - - - Fol. 75.

De

De Recursu ad Sacram

Poenitentiariam.


CAPVT VII.

§. I. Motiva huius Recursus.	- -	Fol.	77.
§. II. Modus recurrendi.	- - -	Fol.	79.
§. III. Cautela in rescriptis.	- -	Fol.	81.
§. VI. Cautela in executione Absolutionis.		Fol.	82.
Absolutiones quadam in impedimentis.		Fol.	84.
Forma Absolutionis tempore Jubilæi.		Fol.	85.
Absolutio generalis pro Fratribus & sororibus tertij Ordinis.	- - - -	Fol.	86.

F I N I S.



pos
Con
huj
non
inde
bre
mus
do
nos



MANUALE
CONFESSARIORUM,
ORDINIS
CAPUCCINORUM.



Non est hujus operis institutum omnia enucleare, quæ ad Pœnitentiæ Sacramentum pertinent; sed potius iis omnibus, quæ à Theologis de hoc Sacramento traduntur, hic suppositis, illa solum recensere, quæ præsertim Confessarios nostri Capuccinorum Ordinis in hujus Sacramenti administratione cognoscere non solum juvat, sed est necesse. Longe proinde à disputationibus semper erimus; sed brevi, & expedita methodo omnia absolvemus: ut sic brevitate, & opportunitate, doctrinæ merito Libellus hic veluti Manuale nostrorum Confessariorum habeatur.

A

Omnia

Omnia non ex penna nostra tantum pro-
diisse cunctis sit persuasum; sed tum ex Ca-
nonum, vel Constitutionum Pontificum De-
cretis, quæ non citata ab aliis, sed proprio
de fonte excerpere volui: tum ex Decisio-
nibus Capitulorum nostrorum Generalium,
quas non solum ex tutis locis selectas, sed
ex nostra Romana Curia firmatas, accepi:
tum tandem ex probatioribus Doctoribus,
quos tamen singillatim nominare ampullosis
illis citationibus non sum delectatus, sed
potius vulgares aliquos, verum probatos
Auctores, qui ad manus sunt omnium: nam
illis nimirum, qui bibliothecas terere ne-
queunt, junioribus scilicet; vel simplicio-
ribus Confessariis, libellus hic est additus.





i

D E
CONFESSARIORUM
INSTITUTIONE.

CAPUT I.

§. i.

Quis Ordinariam habeat facultatem excipiendi Confessiones.

Omnis Sacerdos eo ipso quo est ordinatus, potestatem accipit ad Confessiones audiendas; sed non eo ipso facultatem, obtinet hoc munus re ipsa exercendi. Hinc ut quis hoc munus obire valeat, requiritur vel Dignitas officii, quæ de se ordinariam tribuat facultatem; vel saltem Delegatio ab habente ordinariam facultatem.

Hanc ordinariam facultatem ex officio apud nos habent omnes Prælati, scilicet Generalis in toto Ordine, Provinciales in suis Provinciis, Commissarii in locis, ad quæ extenditur eorum Commissio, & Guardiani in suis Conventibus.

A 2

Quoad

Quoad Gvardianos licet isti veri sint Prælati, tamen nonnisi Parochorum auctoritatem habent, ut optime Bonagratia v. *Gvard: n. 209.* unde possunt & ipsi pro sua Familia deputare in Confessarios Sacerdotes etiam si advenas, dummodo aliàs fuerint approbati; sed hoc solum in aliquo necessitatis casu, v. g. quia alii Confessarii deputati sunt absentes, ægrotant &c. Nam ordinarie dempta est eis talis facultas à Prælati majoribus, ut sic etiam de Parochis resolvunt communiter Doctores.

Definitores sive Generales, sive Provinciales & Custodes ordinariam non habent facultatem excipiendi Confessiones, sicuti resolvit Capitulum Generale 1698. contra Vecchium, Bonagratiam &c. perperam adducentes in oppositum responsionem Cap. Gener. 1633. Sed hanc facultatem attendere debent à Prælati, prout ipsis fuerit commissa: & ita revera etiam fert praxis.

§. 2.

Delegatam facultatem quomodo quis obtineat.

Cæteri, qui hanc ordinariam potestatem non habent, nonnisi ex delegatione, ut diximus

diximus, audire possunt Confessiones. Duo autem ad hoc requiruntur, quæ sunt valde notanda, nempe Approbatio, & Jurisdictio.

Approbatio est publicum testimonium à Superiore præstitum, quod hic, aut ille sit idoneus, ad Pœnitentiæ Sacramentum administrandum. Hoc autem fieri potest vel, explicite; cum scilicet Superior examinat, & Examinatum pronuntiat voce, aut scripto idoneum: vel implicite idest cum promovet aliquem absq; alio examine, & declaratione ad officium Confessarii.

Jurisdictio vero (loquendo de delegata) est Jus acceptum à Superiore audiendi Confessiones, seu melius ferendi sententiam sacramentalem in suos subditos.

Hinc patet unius ab alia discrimen. Nam verum est equidem quod omnis habens Jurisdictionem habet etiam Approbationem, quatenus superior, ex hoc ipso quod ei munus Confessarii contulit, ipsum etiam reputavit idoneum ad tale munus. Sed non e contra omnis habens Approbationem habet etiam Jurisdictionem, quia iudicium habilitatis non est idem ac collatio auctoritatis.

Præterea semel approbatus semper est approbatus; nam non cessante capacitate approbati non potest neque cessare iudicium ap-

probantis. At semel habens, seu recipiens Jurisdictionem non semper Jurisdictionem retinet; quia hæc pendet à Superioris arbitrio, qui illam tribuit usquedum sibi videtur: quo proinde elapso tempore omnis Jurisdictio ad Confessiones excipiendas oportet ut cesset.

§. 3.

Ab Episcopis an, & quomodo ex petenda sit Approbatio, vel Jurisdictio.

EX his ad institutum nostrum inferitur, quod cum tam Approbatio, quam Jurisdictio sit à Superiore tribuenda, ut exerceatur circa suos subditos, hinc distinguendum est de subditis, quorum confessiones sunt audiendæ. Vel enim sunt Fratres Ordinis nostri, & sic cum isti sint tantum subditi nostrorum Prælatorum, ideo ab istis solis, non autem ab Episcopis ad eorum Confessiones audiendas tam Approbatio, quam Jurisdictio est expetenda. Vel sunt Sæculares, & tunc cum isti sint subditi suorum Episcoporum, Approbatio saltem ab eorum diocesanis Episcopis est postulanda.

Dixi Approbatio saltem, quia regulares exempti (uti nos sumus) in hoc privilegium obtinu-

obtinuerunt ex Clem: Dudum de Sepulturis: ubi Pontifex, quatenus Episcopus Episcoporum, tribuit de se immediate, & pro semper ejusmodi Regularibus Jurisdictionem audiendi omnium Christi fidelium Confessiones; cum onere tamen se presentandi Episcopis diæcesanis, & ab eis Approbationem obtinendi: sicuti & Tridentinum sess. 23. cap: 15. universaliter hanc Episcopi Approbationem ad Sæcularium tum laicorum, tum Sacerdotum Confessiones excipendas determinavit.

Cantum insuper est à pluribus Pontificibus, ne Episcopi hanc Approbationem Regularibus denegarent, si idonei reperiantur. Novissime, & adhuc expressius Clemens X. in sua Constitutione 7. *Superna*. §. 4. hæc notabilia decrevit, nempe, Illos Religiosos. qui ad Confessiones audiendas idonei generaliter reperti fuerint, ab Episcopis generaliter quoque, & indistincte absque aliqua limitatione temporis, certorumque locorum, aut generis personarum in Diœcesi propria admittendos esse. Quoad ceteros vero, qui non adeo idonei reperiantur, si petierint se admitti, arbitrio Ordinariorum relinqui, ipsos cum limitata facultate, prout eisdem Ordina-

6
 „ riis magis expedire videbitur, probare;
 „ & admittere. Semel autem simpliciter
 „ approbatos posse in Diœcesi Episcopi ap-
 „ probantis quovis anni tempore, etiam
 „ paschali, & quorumcunque etiam infirmo-
 „ rum Confessiones audire absque ulla Pa-
 „ rochorum, vel ipsius Episcopi licentia.
 „ De qua tamen Confessione teneri dictos
 „ Religiosos eorundem infirmorum Paro-
 „ chum illico certorem reddere, &c. Et
 „ §. 5. decernitur, huiusmodi Regulares non
 „ posse iterum examinari ab eodem Episcopo,
 „ secus autem si ab ejus Vicario, aut ab Ante-
 „ cessore Episcopo fuissent approbati. Et tan-
 „ dem §. 6. omnes unius Conventus Religio-
 „ sos ab Episcopo quoad Confessiones audien-
 „ das suspendi posse negat, & prohibet.

Sed quinam censentur generaliter seu sim-
 pliciter approbati? Illi, quibus ab Episcopo
 non fit exceptio expressa in contrarium.
 Solæ autem Litteræ patentes restrictæ non
 sunt exceptio, sed ipsa restrictio: & earum
 acceptatio non est semper conventio de illa
 restrictione, quia Regularem, qui accipit,
 nec juvat, nec decet reluctare; ideoq; acci-
 pit invitus.

Quid igitur si Episcopi his privilegiis stare
 nolint? Nemo melius, & prudentius, quam

P. La Croix l. 6. p. 2. n. 1245. ubi de iterato examine hæc ait: Si tamen Regularis ad examen revocetur, frustra se opponet, quia Episcopus facile pratendat causam, quæ præsumi debet iusta, quia pro ipsius auctoritate exit possessio. Verum tamen est non sine iniustitia Episcopos huiusmodi Regularium Privilegiis contradicere, maxime iis ad examen prius subjectis.

Defendunt aliqui, inter quos P. Reiffenstuel tom. 4. Jur. Can. l. 5. n. 259. privilegium hoc adhuc subsistere, nempe: quod Regularis semel approbatus ab aliquo Ordinario itinerando in locis, ubi non est personaliter præsens Episcopus, possit sine approbatione illius Ordinarii Confessiones excipere. Sed fateor difficilis esse probationis, & nunquam, vel forte nonnisi cum multis restrictionibus in praxi tenendum: v. g. quod Regularis ille itineretur ad Missiones peragendas &c.

§. 4.

De Dependentiâ à Prælati Ordinis.

AD easdem Sæcularium Confessiones audiendas requiritur insuper Approbatio, & Deputatio Prælatorum Ordinis, uti statuitur in cit. Clem: Dudum: imo hanc præ illa Episcoporum necessariam esse docent Do-

ctores. Unde Regulares, quos supra diximus non posse ab Episcopis restringi, opus tamen est ut stent suorum Prælatorum restricti onibus quoad tempus, locum, Personas &c.

Quid vero si Regularis sine suorum Prælatorum licentia, & cum sola Episcopi facultate Confessiones Sæcularium exciperet? Certo Certius quod hoc faceret illicite. Num autem valide absolveret. Variant Doctores. Sed dicendum quod invalide, quantum est de se; at ex titulo colorato validæ forent hujusmodi Confessiones.

Si Regularis alterius Ordinis, qui possit apud externos Confessiones facere, ad nos accedat, potest cum sola licentia sui Superioris etiam localis quilibet Confessor ex nostris deputatis ejus Confessionem audire, & non exigitur Approbatio, seu facultas Episcopi. Ratio est, quod Tridentinum jam citatum exigit solum Approbationem Episcopi quoad Confessiones Sacerdotum Sæcularium, non autem Regularium. Item Gregorius XIV. qui in sua Bulla 6. *Decet Seraphicam*; Capucinis prohibuit Confessiones audire sæcularium, in eis non comprehendit Regularium Confessiones. Si tamen dicti Regulares confiteantur peccata reservata in suo Ordine, vel remittendi sunt ad suos Prælato-

tos,

tos, vel si necessitas urgeat, absolvendi sunt cum onere se ad illos præsentandi.

„ In Monasteriis, ubi juxta regularia instituta vivitur, possunt, tam Prælati Regulares, quam Confessarii Regularium eorundem Monasteriorum abique Episcopi licentia audire Confessiones illorum secularium, qui inibi sunt verè de familia, & continui commensales; non autem illorum, qui tantum illis deserviunt. Ita Clemens X. in cit. Const. Superna. §. 4.

Quinam autem sint isti Commensales, quorum Confessiones Religiosi nostri excipere possint, dicendum est illos Sæculares tantum esse, qui intra nostros Conventus sunt Fratrum servitio addicti, & ibi diu nocturne degunt, Conventusq; victu aluntur. Qui autem in Conventu toto quidem die inserviunt, & victum ab eo recipiunt, sed noctu domum propriam adeunt, non possunt sic apud Fratres Confessiones facere; quia vere non sunt nostri continui Commensales, & multo minus vere nobiscum sunt de familia, cum potius familiam alibi teneant.

Tandem sine dependentia tum Episcopi, tum Prælati Regularis, juxta Tridentinum sess. 14. c. 7. quilibet Sacerdos etiam si non appro-

approbatus, fufpenfus, & excommunicatus in mortis articulo poteft quoslibet Pœnitentes à quibuslibet peccatis, & cenfuris abfolvere.

§. 5.

Extensio Approbationis, & Iurisdictionis intra Ordinem.

Approbatus ad aliorum Fratrum Confessiones audiendas, non proinde cenfetur approbatus ad Sæcularium Confessiones. Approbatus vero, & deputatus ad Sæcularium Confessiones, etiam ad Fratrum Confessiones, cenfetur faltem approbatus, imo & deputatus, nifi mens Superioris, aut confuetudo obftet. Ratio eft quia Majus fecum trahit Minus, at non è contra: & majoris ponderis eft Sæcularium, quam Fratrum Confessionibus attendere.

Quoad Frâtres igitur, femel approbatus femper remanet approbatus: deputatus vero ad munus Confessarii exercendum non remanet, nifi pro tempore, & loco fibi à Prælato præfcripto.

Quare Confessarii unius Conventûs, cum deputentur à Prælato folum pro illo Conventu, in quo degunt, & ufque tantum ad proximum futurum Capitulum; ideo in aliis Con-

Con
non
pore
Con
Q

riis
perv
lia,
vel
feu
enim
depr
velu
conf
tatio
Con

In
festa
aliis
vel
nov
mitt
adhi
alite
tudi
Con
usq
ipfi

Conventibus excipere Fratrum Confessiones non valent, & elapso illius Capituli tempore, etiam in proprio Conventu à munere Confessarii est illis cessandum.

Quo die autem hoc tempus pro Confessariis expiret, dicendum illum esse, quo pervenit ad Conventum tabula novæ familiæ, vel accipiuntur Literæ obedientiales, vel aliud certum nuncium de mutatione, seu confirmatione illius familiæ. Ex tunc enim illi Confessarii, si ad aliam familiam deputantur incipiunt esse in illo Conventu veluti hospites; vel si ibi denuo de familia confirmantur incipiunt veluti novam habitationem, unde & nova confirmatione ad Confessarii munus indigent.

Interim vero quia vel non subito alii Confessarii sibi de familia destinati illuc ex aliis Conventibus advenire, & adesse possunt, vel quia non statim tabula novæ familiæ cum nova Confessariorum destinatione à Prælato mittitur: poterit novus Gvardianus, vel adhuc eo absente Vicarius Capitularis (nisi aliter in Tabulis Provinciæ, seu consuetudine sit cautum) licentiam dare prioribus Confessariis, ut suum prosequantur munus, usquedum novi Confessarii adveniant vel ipsis nova confirmatio à Prælato mittatur.

Si tamen

Si tamen aliquis sine huiusmodi licentia, vel confirmatione prosequeretur ad confessiones audiendas, nec licite, nec valide absolveret, nisi adesset consuetudo, quod Confessarii à munere non cessent; usquedum in tabula familiæ non videant sibi demptum Confessarii munus. Quæ quidem consuetudo facile præsumitur, ubi Prælati contra huiusmodi morem non reclamant, vel alia, ab ipsis Prælati non est facta provisio.

DE CONFESSARIO ELIGENDO.

CAPUT II.

§. I.

De eligendo Confessario quoad permanentes in Conventu,

CAvetur in Nôstris Constitutionibus, ne Confessarius semel electus amplius sine licentia mutari possit: quod quidem est intelligendum, nisi interveniat aliqua iusta causa, v. g. infirmitas, absentia proprii Confessarii &c. Qui tamen apud Superiorem Confessiones faciunt possunt, sine licentia

licen
men
Ju
gion
qui
vel M
licen
queu
quid
ditur
pet c
miscu
vend
nes,
dam
voci
facto
men
Clem
quadr
Oracu
à Cap
doctr
nagra
Op
Novit
Confes
Confes

licentia alios eligere juxta Decretum Clementis VIII. 1593.

Juvenes nostri usque ad quartum Religionis annum, & multo magis Novitii, qui juxta Constitutiones nostras Gvardianis, vel Magistris confiteri debent, sine eorum licentia ad alios Confessarios accedere nequeunt. Quod si tamen accedant, illicite quidem, quia regularis disciplina confunditur, sed tamen valide absolventur, quia per dictum Clementem VIII. tribuitur promiscue Confessariis deputatis facultas absolvendi quoscunq; de familia, sicuti illi Juvenes, & Novitii revera sunt. Et licet quidam huic decisioni contradicant ex vivæ vocis Oraculo Urbani VIII. 5. Jan. 1630. facto nostro P. Procuratori supplicanti; tamen illud non est nisi extensio Decreti Clementis VIII. etiam ad Juvenes prædictos quadriennium non excedentes: & post ipsum Oraculum, nempe 1637. & 1650. datæ sunt à Capitulo Generali Responsiones nostræ doctrinæ omnino conformes, quas citat Bonagratia v. *Absol. quoad Fratr. n. 30.*

Opportune etiam noster Vecchius in *Praxi Novit. d. 9. dub. 3.* notat, Novitios non posse Confessario à solo Episcopo deputato suam Confessionem facere, quia non Episcopi, sed Prælati

Prælati regularis ipsi licet nondum professi censentur subditi. Si tamen facerent, nescio videre quo jure possent certo dici invalide absoluti. Melius adhuc *dub. seqv.* docet, Sæcularem, qui in Novitiatu per dies aliquot moratur, ut Novitii assumat habitum, non solum posse apud Magistrum suam Confessionem facere generalem, cum sibi est animus in Religione perseverandi, sed etiam superveniente impedimento, quo cogitur redire ad sæculum, potest istam Confessionem generalem apud eundem terminare, si jam incepit.

Siquis Religiosus renuat confiteri suo Confessario, & aliis deputatis Conventûs, & hoc ob rationabilem causam, nempe ob grave malum quod timet vel animæ, vel corporis; potest à Gvardiano impetrare licentiam confitendi apud alium Sacerdotem non deputatum ejusdem Conventûs, vel etiam advenam, dummodo alias fuerit approbatus. Quid vero si Superior deneget hanc facultatem? Si irrationabiliter deneget, certe ipse graviter peccat, cum in re gravi non succurrat ovi ex suo grege. At ipse subditus (sive rationabiliter, sive irrationabiliter Prælatus deneget) non potest uti licentia tanquam rationabiliter præsumpta: quia

quia
non
Superior
A
casu
delicti
aliqui
juris
hujus
nem
de f
tur, a
tionem
fatis
qual
præf
appro
fessari
absoluti
ut su
& in
Prælatus
licet
greg
fessari
re fac
to, u
tatem

quia Jurisdictio, quæ hic exigitur pendet non solum ab æquitate, sed à mero arbitrio Superioris.

At præsumitur saltem (inquies) in hoc casu placitum Superioris majoris, quia videlicet si in tali casu, & multo magis in aliqua necessitate interrogaretur, facile ipse Jurisdictionem concederet. Verum neque hujusmodi Præsumptio valet, tum ob rationem modo datam; tum quia est rati habitio de futuro saltem conditionato, si interrogaretur, daret, quæ in omnium sensu ad absolutionem sacramentalem est inepta; imò & satis esset perniciofa, cum omnis Sacerdos in qualibet necessitate posset pro suo judicio præsumere de mente Pontificis & ita sine approbatione, & Jurisdictione munus Confessarii usurpare, imò & exercere, quod est absurdum. Nam Præsumptio illa solum ut sufficiens admittitur, quæ est de præsentis, & in qua habetur signum aliquod de mente Prælati, v. g. quia videt, & tacet &c. Et licet Urbanus VIII. per Decretum S. Congreg. Conc. 21. Sept. 1624. concesserit Confessario petenti, & non obtinenti à Superiore facultatem absolvendi ab aliquo reservato, ut pro illa tantum vice haberet facultatem, sicuti si esset illi data; tamen hic est

casus extraordinarius, & concessio singularis, ex qua regula universalis statui nequit.

Gvardiani jure parochiali possunt in Confessarium sibi deligere quemcumq; Sacerdotem etiam non deputatum de sua familia, imò & advenam alterius Provinciæ, etiamsi hujusmodi Sacerdos nunquam fuerit approbatus. Quod licet non valeat de Parochis quibus Gvardiani assimulantur, hoc evenit quia de illis aliter expressit Tridentinum (ut benedicit Viva in prop: 16. Alex. VII. n. 13) istos vero dispositioni suorum Prælatorum reliquit qui ideirco in Nostro Ordine hoc Gvardianis permiserunt, dummodo non habeant reservata, à quibus sint absolvendi, ut constat ex Decisione Cap. Gen. 1685. Quod autem dicitur de Gvardianis hoc vult Bonagratia v. Confessarius n. 95. ex Decisionibus Capit. Gener. 1633. & 1643. dicendum esse de Vicariis, verum solum cum Gvardianus abest, & illi in suo Conventu morantur, nam cæteroquin ipsi sunt sicut alii subditi.


§ 2.

Quoad Itinerantes.

DE Itinerantibus postea loquendo, certum est primo, Confessarium deputatum

tum pro aliqua Familia posse ubicumque Confessiones Fratrum suæ Familiæ excipere, nam Jurisdicctio non contentiosa ut est ista, etiam in alieno territorio exercetur. Gvardiani postea ex suo privilegio, quod nuper diximus (quatenus illiud est personale, non locale) possunt ubique quemlibet Sacerdotem in Confessarium sibi assumere, sicut in proprio Conventu.

Pro aliis autem casibus valeat Decisio à nostro Capitulo Generali sæpè facta, & postremò Annò 1662. Sic expressa Fratribus, qui cum obedientia suorum Superiorum iter faciunt, & aliàs Confessiones audiendas admissi sunt, conceditur ut in locis intermediis sui itineris unus alterius Confessionem excipere valeat. Quando autem ad loca destinata pervenerint, sive ut ibi sint de corpore familiæ, sive causâ cujusdam negotij commoraturi, facultas hæc sibi invicem confitendi adimitur. Quare quamprimum teneantur confiteri deputatis illius Conventus Confessarijs.



DE POTESTATE CONFES- Sarii INTRA ORDINEM, CAPUT III.

§. 1.

*Quomodo in Ordine nostro Confes-
sarii potestas extendatur,*

Supponendum est ex Const. 21. Cle-
mentis VII. Religionis zelus, & ex Con-
stit. 11. Pauli III. Exponi nobis &c. nostrum
Capuccinorum, Ordinem Apostolicæ Sedis
clementia participare, & penitus gaudere
omnibus privilegiis, indultis, & gratiis jam
concessis, vel deinceps concedendis, omni-
bus aliis Ordinibus tam Mendicantium,
quàm non Medicantium. Unde privilegia,
quæ pro aliis Regularibus quoad Confessio-
nem citantur, nullum est dubium nobis
quoque eodem modo favere.

Deinde cum potestas Confessariorum non
habentium ordinariam potestatem dependeat
à delegatione Prælatorum, prout ipsi
magis, vel minus ample concesserint, pro
nostri Ordinis Confessariis hæc delegatio
est amplissima. Nam Mos apud nos Capucci-

nos

nos viget (ait P. Vecchius in praxi d. 9. dub. 7. n. 3. cui quilibet alius ex nostris Scriptoribus, & praxis ipsa concordat) ex Generalis Capituli 1613. indulgentia, ut omnes Superiores locales, nec non & Confessarii deputati valeant in foro conscientiae tantum absolvere, dispensare, habilitareque in omnibus, in quibus potest ipse Generalis juxta poenitentium indigentiam, propter usum solummodo Sacramentorum, & non ultra, & cum obligatione poenitentibus se praesentandi coram Superiore pro casibus reservatis. Proinde quae de potestate Praelatorum Regularium mox dicemus, quoad nos valebunt etiam (pro foro tamen solum interno) de potestate nostrorum omnium Confessariorum.

His praehabitis certant equidem Doctores inter se a quibus peccatis, vel censuris Praelati regulares absolvere valeant; sed omnissis difficultatibus, quas inter alios optime solvit P. Felix Potestas tom. 1. à num. 3372. referam quae faciunt pro favorabiliori, simul & probabiliori sententia, fundata in pluribus Privilegiis amplissimis Pontificum quae veluti demum colliguntur in Constitutione 129. S. Pii V. Dum ad Congregationem Cassinensem. Et sunt sequentia.

§. 2.

Enumerantur Privilegia.

PRimo possunt Prælati Regulares, & per delegationem omnes nostri Confessarii absolute subditos suos tam domesticos, quam advenas, tam Professos, quam Novitios (si tamen in Religione persistant, secus in reservationem reinciderent) Conversos Commissores, Oblatos, & Donatos; Moniales sibi subjectas tam propriæ, quam alterius regulæ, Tertiarias claustraliter viventes, & juxta Felicem citatum etiam non claustraliter, & in domibus suis viventes, dummodo votum castitatis emiserint: Omnes istos inquam, absolvere possunt à quibuscunque peccatis, & excessibus commissis vel ante, vel post ingressum in Religionem, etiam reservatis Sedi Apostolicæ: insuper ab omnibus Casibus in Bulla Cœnæ contentis: & tandem ab ipsamet hæresi occulta, ut nominatim concessit Gregorius XIII. Societati Jesu, quamvis ipsa Societas huic privilegio pro se tamen solum cesserit.

Secundo eos possunt absolvere ab omni Excommunicatione & Suspensione, atque alia qualibet ecclesiastica censura, etiam Sedi Apostolicæ reservata: & quidem Confessarii (ut

rii (ut semper intelligimus) pro solo foro interno, Prælati autem etiam pro externo. Proinde omnes illæ censuræ, quæ & pro ipsis Regularibus fuerunt ab aliquibus Pontificibus sibi reservatæ, ut est illa Sixti V. contra procurantes abortum, contra ingredientes in Monasteria Monialium, contra introductes Mulieres intra claustra Religiosorum, & aliæ huiusmodi modo non habent amplius reservationem, sed possunt modo dicto intra Ordinem absolvi.

Tertio eosdem rehabilitare possunt in quibuscumque pœnis privationis vocis activæ, aut passivæ, & officiorum ex quocumque delicto contractis: ita tamen ut si delictum sit occultum, quilibet Confessarius in foro conscientiæ, si autem publicum, solus Provincialis rehabilitare possit.

Quarto possunt dispensare cum omnibus supra enumeratis (cum distinctione tamen semper Fori interni, & externi) super omni Irregularitate tam proveniente ex delicto, quam ex defectu, sicut potest Episcopus; imò & forte amplius, nam universalissime loquitur S. Pius V. in citata Bulla, & solum excipit pro Foro externo Irregularitatem, quæ provenit ex mutilatione, seu homicidio iniusto, & notorio, commissio post ingressum in Religionem: &

B 4

exceptio

exceptio unius firmat regulam in oppositum. Excipitur quoque Irregularitas contracta ex procuratione abortus animati: quia ex *c. Si aliquis de homicidio*. tales procurantes ut homicidæ sunt tenendi, idest quoad pœnas, & impedimenta. Inanimati autem abortus procuratio Irregularitatem non incurrit. quia illa non est proprie homicidium *c. Quod vero 32. quest. 2.* ad quem canonem Gregorius XIV. reduxit, et moderavit Constitutionem rigidiorum Sixti V. *Effrenatam*. Abstinendum tamen est (ut optime monent Doctores) ab iis Irregularitatibus dispensandis maxime ex defectibus corporis, in quibus raro dispensat ipse Summus Pontifex, ut servetur dependentia debita, quam in his idcirco à S. Sede habendam esse Pontifex significat.

Quinto Prælati dispensare possunt cum illegitimis Subditis quoad dignitates, & prælaturas obtinendas, & hoc in solo Capitulo Generali, vel Provinciali: praxis tamen ad tutiorem, executionem fert, ut recurratur ad Pœnitentiarium. Quoad ordines sacros vero illi habilitantur vi ipsius Professionis.

Sexto ut Privilegium probabile ab aliquibus admittitur, quod Prælati singulis annis primo die Lunæ Quadragesimæ possint dispensare

spensare Subditos super omni Irregularitate quavis occasione, vel causa, & quovis tempore contracta. Et hoc ex Constitutione 10. Pauli III. *Exponi nobis* apud Rodriquez. Reprobatur vero fuit à nostro Capitulo Generali 1633. privilegium illud, quo Fratribus concedebatur ter in anno posse à suis Confessariis absolvi ab omnibus casibus reservatis.

Hæc, inquam, omnia sunt pro nobis Jus certum, quod ideo ex Juristarum axiomate non potest tolli per Jus incertum, quale est Revocatio quæ prætenditur, istorum Privilegiorum. Nam Bullæ revocatoriæ, quæ adducuntur (ut est 9. Gregorii XIII. *In tanta*. 115. Clementis VIII. *Quicumque*. 106. Urbani VIII. *In specula militantis*. & 7. Clementis X. *Superna*) vel sunt quoad Confessiones audiendas Sæcularium, vel certè non tangunt auctoritatem Prælatorum Regularium erga suos Subditos. Imò ipsa Bulla Cœnæ in Derogatoriis nullam restrictionem Regularibus facit, ut consideranti patebit.

Mirum autem esse non debet, si auctoritas Regularium super illam Episcoporum extolli quandoque videatur; nam hoc factum est, ut tollatur Regularibus omnis vagandi occasio (sicuti loquitur Julius II. in Bulla

17. *Exponi nobis* apud Rodriq.) & ut consulatur eorum quieti, qui pro Ecclesia laborant. Et revera Melphi de Pæn. c. 18. q. 3. relatus à Felice citato num. 3423. refert sibi consulenti S. Pœnitentiariæ Regentem responsum ab eo fuisse, mirari quomodo Regulares ad Pœnitentiariam pro suis Subditis recurrant, cum illi majorem Pœnitentiariâ facultatem habeant.

§. 3.

Aliquorum Privilegiarum in praxi expositio.

Episcope, Archiepiscopi, & Legati (exceptis Legatis à Latere) certe nequeunt ligare Regulares exemptos ulla censure Ecclesiastica, nisi in iis casibus, in quibus conceditur eis expressa potestas à Pontifice, vel à Concilio. Si igitur eveniat ut Regularis ab Episcopo &c. excommunicetur, vel suspendatur, stare debet sententiæ, sed non propterea indiget, ut reipsa absolvatur ab Episcopo, cum Prælatus Regularis tam pro foro interno, quam externo juxta privilegia maxime Pauli III. in Constituit 48. *Licet debitum*, facultatem habeat suos Subditos absolvendi *A quibusvis excommunicationis, suspensionis, & interdicti, aliisque Ecclesiasticis & secularibus senten-*

sententiis, censuris, & pœnis à Jure, vel ab Homine quomodolibet latis, & promulgatis.

Quapropter recedente Subdito à contumacia, & præstante debitam satisfactionem, absolvi potest à suo Prælato Regulari facto antea Episcopo certiore de obedientia à Subdito præstita, & ob reverentiam (maxime si ille Subditus adhuc perseveret in sua Diœcesi) concordata simul absolutione illi impertienda.

Præcise quoad percussione[m] sciendum Regulares ob mutuam percussione[m] quantumcumque enormem non esse pro excommunicationis absolutione extra Ordinem mittendos, sed à suis Prælati[s] posse absolvi ex *c. Monachi de Sentent. Excommunic.* Quid vero si Regularis alium Regularem diversi ordinis percutiat? Decisio habetur in *c. cum illorum. Eodem.* Nempe per Prælatum proprium, & per Prælatum, percussi simul esse absolvendum. Quod si mutuo illi Regulares se percusserint, poterit unusquisque à proprio absolvi, quia compensata est injuria. Quid tandem si Regularis percutiat Clericum Episcopo subjectum? Ex *c. Religioso de Sentent. Excommun. in 6.* Absolvendus est vel à Pontifice, vel ab Episcopo tantum, vel demum à Prælato Regulari cum delegatione Episcopi.
Prælati

Prælati possunt irritare vota Subditorum, jam professorum, non autem Novitiorum, quia adhuc Religioni penitus non sunt ligati, & nec idcirco penitus subjecti. Item dispensare possunt cum illis in præceptis Ecclesiæ, sicut potest Episcopus, si est Provincialis, vel sicut Parochus, si est Guardianus: similiter ne recitent horas canonicas, seu ne jejunent tempore infirmitatis, etiamsi in dubio versentur, num sufficiens causa sit excusans.

DE POTESTATE CONFES- SARII EXTRA ORDINEM.

C A P U T IV.

§. I.

Capuccinorum integra potestas Confessiones Sæcularium excipiendi.

Dubitatum est, an Capuccinorum Ordinis Fratres possent Sæcularium Confessiones excipere tum quia nostræ Constitutiones hoc vetant, deinde ob arctiorem adhuc prohibitionem Gregorii XIV. in Constitutione

ne
cile
N
Clen
pucc
cont
illan
rum
endi
appr
tiqu
tene
aute
Con
reve
etian
illa
obfit
peter
esse
rum,
derer
ta ef
felicis
ejusd
in G
perti
pitulu

ne 6. Decet Seraphicam. Sed huic dubio facile occurritur.

Nam primo ex Jure communi, idest ex *Clem: Dudum. De Sepulturis.* certum est Capuccinis, quatenus Regularibus exemptis, contingere sicut omnibus aliis facultatem illam amplissimam ubique locorum, & quorumcumque hominum Confessiones excipiendi obtenta prius ab Episcopis diocesanis approbatione: Deinde huic facultati nequam Constitutiones Ordinis renuntiasse est tenendum, cum ipsæ solum exercitium, non autem facultatem, seu privilegia excipiendi Confessiones hujusmodi vetuerint: unde & revera casus aliquos concedunt, in quibus etiam haberi possit exercitium. Tandem illa Bulla Gregorii XIV. tantum abest ut obsit, quantum longe est favorem obesse petenti: constat enim illam Bullam datam esse ad instantiam, & favorem Capuccinorum, ut se ab instantiis Sæcularium defenderent. Accedit quod hæc Bulla modificata est per aliam Clementis VIII. 82. *Alias felicis.* quæ concedit ut Minister Generalis ejusdem Ordinis simul cum Definitoribus in Capitulo Generali possit facultatem impertiri usque ad futurum proximum Capitulum quibuslibet Religiosis approbatis audiendi

diendi Confessiones Sæcularium utriusque sexus.

Igitur constat, integerrimam Capuccinis remanere potestatem munus Confessarii extra Ordinem exercendi; & omnibus privilegiis omnino gaudere, quibus cæteri Regulares gaudere dicuntur, quidquid male supponens contradixerit Diana: nisi quod exercitium hujus muneris sub Prælatorum judicium est reservatum, ut ubi, quando, & quibus opus esse sibi visum fuerit, discretè dispensent.

Imò per Rescriptum, deinde per Breve Clemenris XII. incip. *Dudum emanarunt* 14. Maii 1735. concessio illa Clement. VIII. amplius est extensa: ut scilicet non solum tempore Capituli Generalis, sed quovis alio tempore possit Definitorium Generale Romæ existens prædictam facultatem Confessiones Sæcularium excipiendi quibuslibet Religiosis, & pro quacumque opportunitate impertiri.

Tandem 23. Maii 1736. exiit Bulla incip. *Ex injuncto*. Clementis XII. quo nostris Religiosis intra Italiam, interdicitur, ne fiant Confessarii ordinarii Monialium. Unde solum extraordinarie eligi poterunt ab Episcopis cum facultate nostrorum Prælatorum.

§. 2.

Privilegia recensentur quoad Absolutionem.

Regularium Privilegia in Confessionibus Sæcularium excipiendis fatendum est ab aliquibus nimis laxè, ab aliis nimis scrupulose recenseri. Nos media via, & quidem tuta procedemus per hæc tria sublequentia asserta

Primo Confessarii Ordinum Mendicantium amplissimam habent facultatem quoscumq; utriusque sexus Sæculares absolvendi ab omnibus peccatis, & excessibus etiam Apostolicæ Sedi reservatis, paucis tamen exceptis. Hoc privilegium maxime constat ex Bulla 7. Pauli III. *Cum inter cunctas* apud Rodriquez ubi hæc satis notanda verba habentur: *Concedimus quorumcumque utriusque sexus Christi Fidelium ad eos accedentium Confessiones audiendi, & Confessionibus diligenter auditis ipsos, & eorum singulos ab omnibus, & singulis eorum peccatis, criminibus, excessibus, & delictis, quantumcumque gravibus, & enormibus, etiam Sedi Apostolica reservatis, & à quicumque ex ipsis casibus resultantibus sententiis, & censuris, & pœnis ecclesiasticis, (exceptis contentis in Bulla, qua in die Cœna Domini*

mini solita est legi) absolvendi, ac eis pro commissis pœnitentiam salutarem injungendi, plenam, ac liberam facultatem.

Hoc Privilegium adhuc vigere fuisse probant plures Doctores, sed maxime ex eo quod Decretum revocatorium Clementis VIII. jussu editum à S. Congreg. Episc. & Regul. 9. Januarii 1601. revocatum, seu moderatum fuit per aliud ejusdem S. Congregationis Decretum 26. Novemb. 1602. ad eosdem omnino terminos, in quibus privilegium, illud à nobis traditur, & exponitur. Sic etiam Decretum Urbani VIII. 17. Novemb. 1628. quod nobis opponitur, posteriori Decreto Clementis VIII. se conformat, ut præter alios rem exponit Bonagratia v. Absolutio ad Sacul.

Excipiuntur igitur omnes & singuli Casus in Bulla Cœnæ contenti tam occulti, quam notorii, & contrarium asserere ut invisa, & intolerabilis sententia reprobata est ab Alexandro VII. prop. 3. Excipiuntur similiter ex præcitis Decretis Clementis VIII. & Urbani VIII. sex Casus sequentes nimirum: Violatio Immunitatis Ecclesiasticæ: Violatio Clausuræ Monialium ad malum finem: Provocantes, & pugnantes in Duello: Percussio Clerici: Simonia realis & confidentia beneficalis. Hi, inquam

quar
Cœn
gula
cum
Cœn
ti,
reser
Rom
in In
ultra
lari a
In
impe
alii c
mere
3. Si
jure;
comit
tineat
in B
sunt i
3. Al
tia in
munio
omne
quia
sicuti
comm

quam, sex Casus simul cum Casibus Bullæ Cœnæ sunt Papæ reservati, nec possunt à Regulari quantumvis privilegiato absolvi: sed cum hoc discrimine, quod Casus Bullæ Cœnæ ubique Gentium facile sunt reservati, sex autem illi posteriores Casus solum reservantur extra Urbem in Italia; unde Romæ, & in ejus territorio & probabiliter in Insulis Italiæ adjacentibus sicut & ubique ultra Montes possunt à Confessario Regulari absolvi pro foro interno seu Conscientiæ.

In his exceptis adhuc tamen absolutionem impertiri valent non solum Regulares, sed alii quilibet Confessarii 1. Si peccatum sit mere internum. 2. Si sit parvitas materiæ. 3. Si sit peccatum dubitum vel in facto, vel in jure; idest tam si dubium sit an peccatum sit commissum, quamvis dubium sit an factum contineatur in reservatis: quidquid de reservatis in Bulla Cœnæ contendat Lezana, quando sunt in dubio juris. Videatur *Viva in prop.*

3. *Alex. VII.* 4. Cum ignoratur ignorantia invincibili peccato adnexam esse excommunicationem Papæ reservatam. Nam cum omnes Casus Pontificii sint Papæ reservati; quia habent adnexam excommunicationem, sicuti Ignorantia invincibilis excusat ab excommunicatione incurrenda, sic & excusat

à reservatione Casus. An autem sic excuset etiam Ignorantia crassa, disputant Doctores, & pars affirmativa non injuria est plausibilior. 5. Si hæresis fuit solum externa, & non interna, idest sine errore in intellectu, & pertinacia in voluntate.

Secundo Confessarii Regulares prædicti possunt eosdem Sculares absolvere pro solo tamen foro interno ab omni censura ecclesiastica Sanctæ Sedi reservata idest ab Excommunicatione, Suspensione, & Interdicto: accepta tamen ab ipsis prius cautione seu saltem seria promissione de satisfacienda parte. Sic aperte legitur in citato privilegio Pauli III. cui sicut in culpis, ita & in censuris relaxandis certum est eisdem rationibus non fuisse derogatum. Quoad forum vero externum, opportune Clemens X. in sua Bulla 7. *Superna* §. 7. declarat: *Vigore supradictorum, Privilegiorum nequaquam licere Regularibus etiam satisfacta parte absolvere penitentes à censuris quoad externum & judiciale forum: & absolutos ab eis in foro penitentiali utique, non censerì absolutos in exteriori judicio & contentioso. Quinimò censuris ecclesiasticis irretitos, & denuntiatis ab Episcopis togi posse gerere se pro talibus, etiamsi à Regularibus fuerint absoluti.* Hæc Pontifex, qui proinde supponit, & ideo consequenter firmat facultatem Regularium pro interno foro. Sunt

Sunt etiam qui Regularibus facultatem, consentiunt absolvendi Sæculares ab Irregularitatibus, sed perperam: nam expresse Clemens VIII. in sua Constitut. 115. *Quacumque* §. 9. hoc negat, & prohibet tam de Irregularitatibus provenientibus à dilecto, quam à defectu.

Tertio possunt consequenter Confessarii Regulares absolvere Sæculares à Casibus S. Officii satisfacta parte nisi contineant hæresim formalem externam; nec contineantur in Bulla Cœnæ, & nisi sint ex illis sex jam enumeratis: ut exemplificat Felix Potestas, tom. 2. n. 641. de Muliere sollicitata non denunciante, quæ postea facta denuntiatione, absolvi nequit ab excommunicatione, quæ ligata fuit, nisi ab habente potestatem in reservatis, ad Pontificem, sicuti nimirum sunt Regulares.

§. 3.

Privilegia quoad Dispensationes.

PRÆTER facultates in absolvendo, plura alia Privilegia in potestate Clavium quomodocunque usurpanda eisdem Confessariis Regularibus supra Sæculares sunt facta. In primis enim ex jam citata Constitutione Pauli III. valent commutare, & ex aliis Privi-

legiis relatis à nostro Bassæo tom. 1. v. *Votum* q. 7. n. 10. valent etiam dispensare cum Sæcularibus in omnibus Votis; quæ simplicia dicuntur, & in quibus de jure ordinatio possunt Episcopi: exceptis tamen quinque soli Papæ reservatis, scilicet Castitatis perpetuæ, & integræ, Religionem ingrediendi, & triplicis peregrinationis, nempe Romæ, Jerosolymam & ad S. Jacobū in Compostella.

Verum quia Reservatio est rigor stricte interpretandus, ideo & in his quinque Votis reservatis dicendum est Confessarios Regulares potestatem retinere commutandi, & dispensandi, si illa non sint omnino libera, perfecta, & certo valida. Propterea non censentur illa Vota reservata, & ideo à Regularibus sunt dispensabilia. 1. Si votum sit emissum ex metu etiam levi, sed injuste incusso. 2. Si sit conditionatum, v. g. *Vovere Romam, si litem Vincam.* Et multo magis conditiones ipsius voti, salva tamen ejus substantia, v. g. *Voveo ingredi Religionem hoc anno, vel ingredi Chartusiam, vel pergere Romam pedibus nudis, mendicando &c.* reservatum enim remanet equidem Votum Religionis, & Peregrinationis, sed quod hoc anno, vel in tali Ordine, vel tali pacto fiat, sunt addita dispensabilia. 3. Si sit votum pœnale, v. g.

Voveo

Voveo Religionem, si relabar in tale peccatum. 4.
 Si sit alternativum, cuius altera pars non sit reservata, v. g. *Voveo ire Romam, vel jejuna-
 re.* Secus autem si utraque pars sit reser-
 vata, v. g. *Voveo ire Romam vel Jerosolymam.*
 Plura de hoc P. La Croix l. 3. p. 1. a. n. 544.
 Qui recte addit Episcopum, posse dispensa-
 re solum cum suis Diœcesanis, Confessarios
 autem Regulares cum omnibus, quia agunt
 nomine Papæ.

Facultas tandem huiusmodi in Votis com-
 mutandis, vel dispensandis, extenditur etiam
 ad Juramenta, seu etiam ad Vota jurata, &
 facta in favorem tertii, ut si quis vovisset,
 seu jurasset dare eleêmofynam Hospitali, =
 dummodo tamen non sit factum juramentum
 homini, & ab eo acceptatum.

Deinde quoad Impedimenta Matrimonii =
 tollenda varia sunt Regularium Mendican-
 tium Privilegia, relata præsertim à Bona-
 gratia v. *Matrimonium* à n. 288. 1. Dispen-
 sare posse dicuntur. cum iis, qui in primo
 gradu Affinitatis scienter, vel ignoranter
 Matrimonium contraxerunt. Sed impugna-
 tur à plurimis hoc privilegium. Quare pro
 praxi Sacramentali notent nostri Confessarii:
 Vel enim ex circumstantiis cognoscis quod pu-
 tativus conjux indigens dispensatione sine

incontinentiæ periculo, usque dum dispensatio Româ, aut ab Episcopo veniat, vivere possit & velit, vel non: si vides, quod sine dicto periculo vivere, ac intereâ se continere possit, vel velit dic ei, quod illicò pro ipso dispensationem apud Papam vel Episcopum in secreto procurare velis, ille verò intereâ se contineat à petitione & redditione debiti; Sic enim ille omninò contentus, & valor Sacramenti securus erit. Si verò cognoscis putativum conjugem ob fragilitatem, vel alias circumstantias in evidenti incontinentiæ periculo versari, vel adesse periculum mortis ex parte unius (& consequenter injustam successionem in bonis &c.) donec dispensatio Româ, vel ab Episcopo veniat, utere prædicto privilegio, & pro foro conscientiae dispensa cum illo, simulq; doce, qualiter Matrimonium de novo contrahere possit, & debeat; quò factò nihilominus pro majori securitate Romam, vel ad Episcopum, ipso etiam ignorante penitente, pro Dispensatione scribere debebis, (valet enim, Dispensatio etiam ignoranti impetrata, ut cum alijs benedocet Sanch. lib. 8. Disp. 126. num. 4. arg. C. Si motu proprio de Præbend. in 6. & §. Universi C. de Precib. Imperat. Offerend.) Obten-
dispen-

dispensatione voca, vel accede eundem conjugem, illum informa, quare pro majori securitate præter tuam jam factam, etiam Romæ Dispensationem procuraveris, & qualiter ipse ejusdem, majoris securitatis causâ Matrimonium denuò revalidare debeat. Ità docet. R. P. Anacletus Reiffenstuel in Jure Canonico folio 320. in Appendice §. XI. De Dispens super Impedimen. num. 551.

2do. Possunt, Regulares Mendicantes cum conjuge ad petendum debitum dispensare super impedimento proveniente ex voto simplici castitatis perpetuæ antè contractum Matrimonium facto. Ità P. Reiffenstuel citatus §. XII. num. 368.

3to. Possunt Regulares Mendicantes dispensare ad petendum debitum cum conjuge, qui post contractum Matrimonium cum sui conjugis consanguinea etiam in primo gradu incestum commisit, & consequenter affinitatem, cum proprio conjuge contraxit. Exigunt tamen aliqui Doctores singularem deputationem Prælati Regularis, ut Confessarius his privilegiis utatur, maxime in dispensando ad petendum debitum, cum illo conjuge, qui incestum (ut suprà dictum est) commisit. De quo videatur P. Reiffenstuel Theolog. Moral. Tract. 6. Quest. 4. n.

48. Qui tamen addit sufficere, si semel ab uno Præfato hæc licentia facta sit.

§. 4.

Additio quoad Missionarios.

Missionarii nostri interris Hæreticorum & Infidelium possunt dispensare (1mo. cum ijs, qui cum impedimento criminis, sed sub bona fide contraxerunt. 2do. Cum ijs, qui ab hæreticis, schismaticis, vel non à proprio Parecho, ubi Tridentinum viget, Matrimonio juncti sunt: elicito tamen prius ab altero conjuge aliqua ratione novo consensu. Et ubi Tridentinum apud omnes non penitus viget, legitimare Matrimonia clandestina, habito tamen prius dicto consensu, ut proles legitima habeatur. 3to. Cum ijs, qui in quarto, gradu consanguinitatis, vel affinitatis contraxerunt, nec possit fieri Separatio absque gravi incommodo, dummodo eliciatur novus consensus, ut supra. 4to. Cum ijs, qui cognatione spirituali impediti Matrimonio sunt juncti vel etiam si post Matrimonium initum cognatio spiritualis sit contracta 5to. Pro præfatis Missionarijs nostris juvat ulterius hic addere, quæ distinctius concessit Missionarijs Societatis Jesu, & consequenter, omnibus alijs cum illis communica-

municatibus Paulus III. in Constitut. 48.

Licet debitum à §. 33.

„ Et ut cum aliquos ex Fratribus seu
 „ Sociis Societatis huiusmodi in Saraceno-
 „ rum, & Paganorum, aliorumque Infide-
 „ lium terras, & Provincias alias remotis-
 „ simas, à quibus non potest adiri Sedes
 „ Apostolica, Præpositus Generalis miserit;
 „ possit eis auctoritate nostra facultatem
 „ concedere, ut Christianos ibidem com-
 „ morantes, confessione peccatorum suorum
 „ audita, & pœnitentia salutarî inuncta,
 „ eos, & eorum quemlibet ab omnibus, &
 „ singulis eorum peccatis, etiam in Bulla Cœ-
 „ næ Domini reservatis, & à consequenti-
 „ bus censuris, & pœnis absolvere

„ Et cum iis, qui ab infidelitate conver-
 „ tentur tantum, & in locis remotissimis,
 „ qui prius in gradibus non licitis, tamen
 „ lege divina non prohibitis, matrimonia
 „ contraxerant, ut in eisdem manere pos-
 „ sint, dispensare.

„ Ac in locis prædictis, remotissimis quæ-
 „ cumque Ecclesias, Hospitalia, & alia pia
 „ loca, prout expediens fuerit, erigere, ac
 „ nunc, & pro tempore erecta reformare,
 „ sine alicujus præjudicio: & vestes sacer-
 „ dotales, pallas, corporalia, calices, altaria,

„ cœmeteria (si Episcopus, qui ea faciat,
 „ catholicus ibi non adfit) benedicere, ac
 „ profanatas Ecclesias reconciliare possint.
 „ & quæcumque statuta, & ordinationes
 „ desuper necessaria facere, illaque post-
 „ quam facta fuerint, mutare alterare, ac
 „ illis addere, & detrahere.

„ Ac Præposito Provinciali in illis lon-
 „ ginq; partibus residente decedente, in-
 „ terim dum alius per Generalem Præpo-
 „ situm mittitur, loco Præpositi sic dece-
 „ dentis alium eligere libere, & licite va-
 „ leant.

„ Et quia in numerosis, populis illarum
 „ regionum tanta est Sacerdotum raritas, ut
 „ unus plurium, curam populorum susci-
 „ pere debeat, ut bis eodem die Missam,
 „ celebrare, diversis in locis valeant.

§. 5.

Restrictio in iis, quæ sunt de iure Episcoporum.

Licet in iis, quæ ad supremam Apostoli-
 cam Sedem pertinent, amplam faculta-
 tem, ut explicavimus, Confessarii Regula-
 res obtineant; tamen nullum privilegium,
 saltem modo validum, nullamque auctori-
 tatem habent, in casibus, & censuris refer-
 vatis

vatis Episcopis pro suis Diocesibus: ideoque in quibuscunque his casibus, quos sibi Episcopi reservant (etiamsi de illis sint, quos ex privilegiis cæteroquin absolvere valebant) nequeunt Regulares, ullum relevare, aut solvere. Itaque ad concordiam inter Episcopos, & Regulares servandam sæpe à Pontificibus decisum est, sed postremo, & omnium clarissime, à Clemente X. in Constit. 7. *Superna* §. 7. Et quoad censuras clarius adhuc Clemens VIII. in Const. 115. *Quæcumque* §. 2.

Duplicis autem generis sunt Casus, qui dicuntur Episcopis reservati: alii, quos ipsi Episcopi sibi reservant; alii vero, qui, jure communi, vel consuetudine Episcopis reservantur, uti est Percussio levis Clerici, Excommunicatio contra procurantes abortum, omnes casus papales occulti, & etiam illi sex casus supra enumerati, & infra explicandi, quando sunt occulti.

Primi adhuc sunt in duplici differentia: nam vel sunt illi, quos in tabella Episcopi promulgant sibi reservatos, & hos à nemine Regularium posse absolvi certissimum est. Vel sunt illi, qui in Synodo diocesana Episcopo reservantur, & hos aliqui Auctores volunt à Regularibus posse absolvi, sed perperam, quia & hi auctoritate Episcopi reservan-

reservantur; nuda saltem quoadusque Episcopus vivit idem robur reservationis contra Regularium prætensiones obtinent.

Secundi vero cum à Sede Apostolica per Bullas, seu per consuetudinem ad Episcopos devolvantur; & cum Regulares juxta dicta possint in Casibus soli Sedi Apostolicæ reservatis absolvere, multo magis in his poterunt, qui Episcopis etiam communicantur. Per hoc tamen non infero posse Regulares absolvere Sæculares à Casibus Bullæ Cœnæ occultis; quia neque in his posse Episcopos absolvere, compertum est in prop. 3. Alexandri VII. apud eos omnes saltem, qui in ea ludere verbis non delectantur.

DE CASIBUS RESERVATIS.

CAPUT V.

§. I.

Doctrina aliqua prævia.

PLura scitu digna de Casibus reservatis traduntur à Moralibus? quæ tamen à nobis omittuntur, ut solum pro nostro instituto enumeremus, & aliquo modo expendamus, pro
Cofessa-

Conf
quos
& pr
pales
Casib
mere
nec o
porui
Qu
dum
26. M
pecca
facer
liud
rali,
In no
omni
Pont
sunt
pitul
Qu
perio
refe
jus il
riore
ter e
nis si
citati

Confessariis intra Ordinem Casus regulares, quos scilicet Prælati regulares sibi reservant; & pro Confessariis extra Ordinem Casus Papales, seu qui Papæ sunt reservati. Nam de Casibus reservatis Episcopis nec est cur enumeremus, cum ab eorum arbitrio dependeant, nec cur explicemus, cum eorundem Episcoporum menti, & intentioni sit standum.

Quod spectat ad Casus regulares sciendum Clementem VIII. per suum Decretum 26. Maii 1563. statuisse quænam sint illa peccata, quæ Prælati Regulares possunt sibi facere reservata, & præter quæ nullum aliud reservare possint nisi in Capitulo Generali, seu Provinciali post maturum examen. In nostra autem Capuccinorum Religione, omnia illa, & sola illa enumerata à dicto Pontifice, & quæ infra à nobis referentur, sunt reservata, ut constat ex Decreto Capituli Generalis anno 1643.

Qua de re licet antiquo jure possent Superiores tam Provinciales, quam locales sibi reservare aliqua peccata, modo tamen hoc jus illis est demptum. Imò neque Superiores posse reservare aliquod peccatum præter enumeranda sub pœna excommunicationis sibi reservata, liquet ex eadem vi illius citati Decreti; quia reservare per excom-

muni-

municationem est simpliciter reservare, id eoque modo Superioribus interdictum. Posse autem alicui peccato poenam excommunicationis sibi non reservatæ addere, liquet itidem, Superioribus adhuc esse integrum, quia tunc peccata proprie reservata non dicuntur.

Illud equidem semper præ oculis habendum in omnibus sequentibus enumerandis Casibus nullum peccatum posse esse reservatum, nisi sit peccatum externum, perfectum, certum, & mortale: unde mere interna, seu etiam externe non penitus consummata, dubia, & venialia nunquam intelliguntur reservata.

§. 2.

Casus Reservati pro Regularibus.

I. **V**eneficia, Incantationes, & Sortilegia.

Sub his tribus includuntur omnes aliæ species Maleficiorum, & Superstitionum ob identitatem, vel majoritatem rationis. De quibus optime noster Gesvaldus p. I. trac. 27. c. 1.

II. Apostasia à Religione, sive habitu dimisso, sive retento, quando eo pervenerit, ut extra septa Monasterii, seu Conventus fiat egressio.

Intelligitur hic non quæcumque egressio, sed

sed
idest
gress
vero
qui
stilli
qui
III
Conve
Pa
sine
facta
liora
tienti
St
lis d
lux
ante
puter
ret in
cise f
nocti
citatu
riæ,
excu
quær
in qu
Egre

sed egressio simul cum animo apostatandi, idest deserendi Religionem: sive postea egressio fiat die, sive noctu. Extra septa, vero Conventus, ille pervenisse dicitur, qui limen portæ, seu Clausuræ, Domus stillicidia, vel tandem Sacratii terminum, qui solet esse Crux, excesserit.

III. Nocturna, & furtiva è Monasterio, seu Conventu egressio, etiam animo non apostatandi facta.

Pater ex verbis, quod si egressio sit diurna sine animo apostatandi, vel si nocturna, facta tamen coram aliis, vel cum notitia aliorum Fratrum, non autem delicto consentientium, non est Casus reservatus.

Si quis furtive egréderetur in crepusculis diei, vel noctis, cum scilicet adhuc est lux dubia, vel post Solis occasum, vel ante Solis ortum, cum istæ partes non computentur rigorose in nocte, non incurreret in hunc casum. In dubio autem an præcise fuerit tempore crepusculi, vel inceptæ noctis favendum est pœnitenti. Ita etiam citatus Gesvaldus. Tandem parvitas materiæ, v.g. egressio per unum quadrans an excuset, est omnino ineptum dicere, vel quærere. Primo quia hujus Casus subjectum, in quod cadit reservatio, est Egressio, & Egressio est veluti qualitas, quæ ex se præcise non

non habet majoritatem, vel minoritatem, quantitatis; unde potius majoritas, vel minoritas ipsius egressionis esset inquirenda, idest an fuerit perfecta, vel imperfecta, egressio, ut posset dici peccatum mortale, vel veniale. Secundo quia finis legis hujus est maxime ad evitanda facinora, quæ tamen etiam unico quadrante, vel minori quoque tempore possunt compleri; unde tam parvitas, quam magnitudo materiæ ab hac lege intelligitur æqualiter interdicta.

IV. *Proprietas contra Votum Pauptatis, quæ sit peccatum mortale.*

Proprietarius est qui retinet dat, donat, recipit, mutuat contra Superioris mentem, seu absque ejus licentia vel expressa, vel saltem præsumpta. Item juxta Glossam in c. Cum ad Monasterium de statu Monachorum. Quid quid exalatur Abbati, seu Prælato suo, vel contra voluntatem ejus tenetur, est proprietas.

Notanda est decisio nostri Capituli Generalis 1643. Religiosus recipiens aliquid sine licentia Superioris, quod sit materia peccati mortalis, & postmodum auctoritate propria illud restituens ei, qui dederit, duplex peccatum committit reservatum, si hujusmodi res est, cujus Religio sit capax. Ratio est quia accipere, & dare præter

ter Superioris voluntatem est duplex proprietatis actus. Ulterius quia quidquid acquirit Monachus, acquirit Monasterio; unde si ex proprio arbitrio rem semel acquisitam disponit, tanquam rem Monasterii aufert, dum alteri illam dat, seu reddit.

Quantitas autem pertingens peccatum mortale explicabitur in Casu VIII.

V. *Juramentum falsum in Judio regulari, seu legitimo.*

Scilicet Juramentum factum coram Judice competente, sive postea sit Superior ipse, sive Delegatus, sive Inquisitor, sive Nuncius &c. Et quidem, tam Juramentum factum a teste, si testetur, falsa, vel si non dicat omnem veritatem cum juraverit se dicaturum, quam a Reo ipso, cum jurat falsum expresse, vel cum restrictione puramentali, de qua satis disputant Morales.

VI. *Procuratio, auxilium, seu consilium ad abortum faciendum post animatum fatam, etiam effectum non secuto.*

Fætus masculi post 40. dies, fætus vero fœminæ, post 80 dies communi calculo dicitur animatus. Quia vero cum adhuc in ventre fœtus est, sciri nequit an sit masculinus, vel fœmininus, ideo procuratio abortus post 40. dies semper erit reservata:

D

ham

nam præsumptio stat pro lege reservante, usquedum probare possis quod fatus sit famineus, & ideo post, 40. dies non animatus. Si autem fatus decidat, tunc ex eo erit judicandum.

Procuratio intelligitur vel potus, vel medicina &c. ad hunc finem data, & revera à Muliere prægnante sumpta. Auxilium est omne opus ad eundem finem præstitum, & ipsa traditio, seu deportatio potus, vel medicinae. Consilium omnis persuasio, vel instructio ad efficiendum abortum.

Excommunicatio lata olim à Sixto V. per suam Bullam 87. *Effrenatam*. contra procurantes abortum animatum, potest absolvi à quolibet Confessario deputato per Bullam 8. Gregorii XIV. *Sedes Apostolica*. Quoad fatum autem inanimum sublata est omnino excommunicatio.

VII. *Falsificatio manus, aut Sigilli Officialium Monasterii, aut Conventus.*

Manus hic intelligitur pro Scriptura, Sigillum pro signo illo, quod imprimitur in literis, sive schedulis. Pro Officialibus intelligitur primo Superior, deinde omnes Ministri, qui in officiis suis sunt destinati ad bonum commune sive spirituale, sive, temporale Religiosorum, vel Monasterii.

Falsi-

Falsificatio fit vel si mendacium effingatur, vel si veritas alteretur, seu mutetur per additionem, vel detractionem: sive postea tota epistola v. g. effingatur, sive vera epistola tantum in aliquibus verbis mutetur.

Requiritur ulterius ut falsificatio fiat cum dolo, & in præjudicium Monasterii, atque etiam ut in usum deportetur. Unde in casum reservatum non incideret, qui manum falsificaret joci gratiâ, vel alia causa, quæ non spectat ad bonum, regiminis, vel administrationis rerum Monasterii: qui Sigillo Officialium litteras suas firmaret, ut securius, seu citius deferrentur: & tandem qui facta falsificatione manûs, sive Sigilli, poenitens facti eâ non uteretur.

VIII. Furtum de rebus Monasterii, seu Conventus in ea quantitate, quæ sit peccatum mortale.

Incidit in hunc casum qui furatur tam de bonis communibus Monasterii, quam de bonis concessis, usui particulari Fratrum; omnia enim sunt bona Monasterii vel communi, vel particulari usui applicata; unde & sic ulterius declarasse ipsum Clementem VIII. refert Gesvaldus citatus.

Similiter incidunt in hunc casum non solum Subditi, sed etiam ipsi Superiores, si bona, quæ pro Communitate Fratrum dispen-

sanda sunt, sibi particulariter appropriant, aut extra Monasterium distrahant. Non enim ex quo sunt Superiores, fiunt Domini illorum bonorum, sed solum Dispensatores supremi illorum juxta indigentiam communem.

Pro quantitate vero sufficienti primo notanda est decisio nostri Capituli Generalis 1633. *furantes comestibilia inscio Superiore, & Majori Conventu, si id faciunt in magna quantitate, & ut dent extra Conventum, videntur incidere in casum reservatum. Si vero id faciant tempore recreationis ad comedendum, standum erit iudicio prudentis.*

Deinde refert Bonagratia v. *Casus reserv.* Instructiones judiciales nostri Ordinis revisas, ac denuo approbatas in Cap. Gen. 1662. statuere trium argenteorum, vel juliorum, valorem esse quantitatem furti, & proprietatis satis notabilem, seu gravem.

Tandem illud præ omnibus est considerandum, quantitatem notabilem furti maxime perpendendam esse ex facilitate, vel difficultate, ex copia, vel inopia illius rei, quæ surripitur: item ex voluntate magis vel minus invita Superioris, nam ut dicunt Morales de furtis domesticorum (prout nimirum sunt illa Religiosorum) sæpe Superior est invitatus magis ex modo accipiendi quam ex qualitate, seu quantitate rei acceptæ. IX

IX
Di
intel
carna
tam
volu
Proc
re,
non
in C
curan
occaf
Ta
plic
sunt
quan
stilla
Di
plena
somnia
tione
lam
etc.
coad
re si
exte
tur
licet

IX. *Lapsus carnis voluntarius opere consummatus.*

Dicitur primo *Lapsus Carnis*, per quæ verba intelliguntur omnes species peccatorum carnalium cum seminis effusione. Similiter tam lapsus active procuratus à se ipso, quam voluntarie passus per actionem alterius. Procuratus autem tantum in alterius corpore, etsi habeat eandem malitiam, tamen non subjicitur reservationi, ut declaratum est in Capitulo Generali 1697. quia talis procurans vere ipse non labitur, sed tantum est occasio, ut alius labatur.

Tactus, amplexus, & oscula impudica simpliciter, etsi gravia sint peccata, non tamen sunt reservata, si fiant absq; seminis effusione: quamvis & accidat aliqua humectatio seu distillatio, quia hæc nō est vera seminis effusio.

Dicitur secundo *Voluntarius*, & quidem cum plena libertate commissus. Unde si quis in somno, vel semidormiens patiatur pollutionem, non incidit in casum, quia ad illam non se habet voluntarie, saltem perfecte. Item si quis invitus pollueretur ab alio coacte, non incidit, imò nec peccat, si vere sit invitus, & coactus violenter. Aliqui extendunt ad casum, quo quis sollicitaretur ad turpia minis, vel verberibus; nam licet iste consentiendo peccaret mortaliter,

rient,
on e-
omini
es fu-
unem.
o no-
neralis
re, &
quan-
atur in-
t tem-
n erit

reserv.
revi-
1662.
rum.
oprie-

nfide-
maxi-
vel
s rei,
magis
icunt
dimi-
rior
m ex
IX

quatenus potius mortem, quam peccatum debet eligere; tamen non incideret in reservationem, quia non fuit in eo lapsus perfecte voluntarius. Sed hæc est nimia laxitas. Ille autem vere excusaretur, qui antequam reipsa laberetur, sui facti pœniteret, & voluntatem pravam vere retractaret, quamvis postea procurata, seu incepta pollutio revera sequeretur, ut respondit etiam Cap. Gen. 1633.

Dicitur tertio *Opere consummatus*, quia ad incurrendam reservationem non sufficit quod effusio seminis sit attentata, seu inchoata, sed requiritur ut revera fuerit perfecta: & quidem mediante opere aliquo, idest vel manu, vel instrumento, vel voluntariis motibus corporis. Qua de re lapsus carnis si eveniat ex sola occasione accepta etiam si voluntarie v. g. ex nimio cibo, vel potu, ex colloquio, vel osculis vel aspectu etiam turpissimo (dummodo non accedat procuratio cum opere, seu motu voluntario) non intelligitur reservatus. Ita etiam respondit citatum Capit. Gener. 1633.

X. *Occisio, aut vulneratio, sive gravis percussio cuiuscunque personæ.*

Extenditur hic casus non solum ad committentes, sed etiam ad mandantes, consulentes

falen
spon
jam

Oc
tutel
evita
tus,
duce
ligio
vaso
incul
quid
ter i
here
homio
to r
qua
odio

Vu
perc
ex q
bris
Non
ung
G
levi
stitu
Pote

salentes &c. sicuti in similibus casibus disponit jus commune. Videatur Gesvaldus jam citatus.

Occisio facta cum moderamine inculpatæ tutelæ, quando aliter inuasor non potest evitari, non solum non est casus reservatus, sed nec ullum peccatum, neque inducens irregularitatem. Secus si aliquis Religiosus invasum succurrendo injustum invaluorem occideret etiam cum moderamine inculpatæ tutelæ; nam iste non peccaret e quidem, neque reservationem consequenter incurreret, sed Irregularitatem contraheret, ut notat Glossa in Clement. Unic. de homicid. Quam tamen relaxari posse à Prælato regulari existimo, non obstantibus iis, quæ diximus cap. 3. §. 2. quia sumus in odiosis.

Vulneratio intelligitur quælibet violenta percussio cum ferro, aut alio instrumento, ex qua veniat vel mutilatio alicujus membri, aut aperitio, seu divisio carnis à carne. Non tamen intelligitur de vulnusculis v.g. unguibus, dentibus &c. factis.

Gravis percussio est, quæ distinguitur à levi. Utraque autem sic explicatur à Constitutione 2. Joannis XXII. relata à Felice Potestate tom. 1. num. 3572. videlicet le-

vem, seu modicam esse illam impulsione, pugni, palmae, manus, pedis, digiti, aut baculi, vel lapidis, quae ad livorem, mutilationem membri, fractionem dentis, depilationem capillorum non modicam, vel effusionem sanguinis non excedit. Unde consequenter gravis percussio est illa, quae ad hanc excedit.

Gravitas insuper, & levitas percussionis ducenda est ex qualitate loci, ut si quis coram Principe, seu in platea coram populo pugnum alteri impingeret, certe percussio gravis esset. Item ex qualitate personae: nam quae homini plebeo est injuria levis, facta homini illustri fit gravis.

Cuicumque autem homini haec fiant à Religioso, sive alteri Confratri, sive Clerico saeculari, sive Laico, sive Ecclesiastico, sive Christiano, sive Infideli, & Excommunicato, semper in hunc casum reservatum incurritur. Cum hac tamen distinctione, quod si occidatur, vulneretur, aut graviter percutiatur Laicus, incurritur tantum in casum reservatum: si autem percutiatur Religiosus, vel Clericus, incurritur ulterius in excommunicationem ex c. *Siquis suadente Diabolo*. 17. qu. 4. De absolutione, ab hujusmodi percussione satis locuti sumus c. 3. §. 2. in fine.

Xl. Mali-

XI. *Malitiosum impedimentum, aut retardatio, aut aperitio litterarum à Superioribus ad inferiores, vel ab inferioribus ad Superiores.*

Hæc omnia malitiose oportet, ut sint facta, ut in hunc casum incurrat. Ille impedit, qui facit ne litteræ deferantur ad tabellarium &c. Ille retardat, qui acceptas non reddit statim, vel congruo tempore cui reddendæ sunt, &c. Ille aperit, qui solvit sigillum, & legit. Quamobrem in hunc casum non incurrit legens epistolam, postquam est soluta; similiter qui solvit, sed postea pœnitentia ductus non legit: & tandem qui ex industria legit epistolam, sed eam non solvit, licet ex curiositate peccet.

Superiores, qui hic recensetur, sunt Generalis, Provincialis, Commissarius, Guardiani, multo magis Pontifex, Sacra Pœnitentia, & etiam Cardinalis Protector Ordinis. Alii autem Cardinales, Episcopi, Principes, Reges hic non comprehenduntur.

Siquis deferat litteras Superioris ad inferiorem, vel inferioris ad superiorem, in quibus sciat certo, vel saltem ex certa conjectura calumniam, vel damnum sibi iniuste parari, si eas legit, aperit, & comburit, est excusandus. Sed si habeat solam suspicionem, certe peccat, & in hunc casum inci-

dit. Quare cautissime in hoc est procedendum.

§. 3.

Sex Casus reservati pro Secularibus.

I. **V**iolatio Immunitatis Ecclesiastica circa confugientes ad Ecclesias in terminis Constituit. Gregorii XIV. Cum alias nonnulli.

Hac de re frequens est apud Morales tractatus, unde illi sunt consulendi, ut casus perfecte dignoscatur. Illud solum animadvertant Regulares quoque juxta communem, & plausibilem sententiam in suis Ecclesiis, non autem in Reliquo Monasterio, gaudere tali immunitate etiam si delicta, in illo Monasterio patnaverint. Unde Superiores, & alii extrahentes censuram incurrun, si reum Regularem extrahant ad subijciendum foro judiciali: secus autem si ad solam religiosam correctionem faciendam. Ita post Bordonum, Donatum, & alios rem breviter demonstrat, & enucleat Felix Potestas tom. I. & num. 681.

II. *Violatio Clausurae Monialium ad malum finem.*

De hac materia varia fuit Ecclesiae dispositio, & sententia. Primo enim Tridentinum sess. 25. c. 5. excommunicationem imposuit

posui
tibus
malum
nulli
Conf

Sec
Pius
sonaru

28.

stolic

ingre

Fem

ria M

tium

prae

prae

& no

exco

iteru

tion

& U

crofan

Greg

gred

rum

Viri

sine

sine

posuit tam viris, quam fœminis ingredientibus monasteria Monialium etiam non ad malum finem. Sed hæc excommunicatio nulli est reservata, & potest à quocumque Confessario absolvi.

Secundo supra dispositionem Tridentini S. Pius V. in sua Constitut. 20. *Regularium Perfonarum*, & Gregorius XIII. in sua Constitut. 28. *Ubi gratia* excommunicationē Sedi Apostolicæ reservatam imposuerunt vel Fœminis ingredientibus in Monasteria Virorū, vel tam Fœminis, quam Viris ingredientibus Monasteria Monialium, & hoc tam ex parte ingredientium, quam ex parte admittentiū, sed sub hac præcisâ conditione, nempe si ingrediantur sub prætextu licentiarū, quas præsumant habere, & non habent. Quam quidem conditionem ad excommunicationē reservatam incurrendam iterum exposcunt Paulus V. in sua Constitutione 52. *Facultatem* & 74. *Monialium statui*. & Urbanus VIII. per suam Constitut. 30. *Sacro sanctum*. confirmantes Bullam supra dictam Gregorii XIII. maxime Contra Mulieres ingredienti in Monasteria Monialium licentiarum prætextu. Unde tam Fœminæ, quam Viri si ingrediantur Monasteria Monialium sine tali prætextu licentiarum, & sine malo fine, non incurrunt nisi excommunicationem latam

latam à Tridentino. Verum non idem est sermo de Mulieribus ingredientibus Monasteria Virorum, nam istæ etiam si ingrediantur sine malo fine, & sine illo prætextu licentiarum semper incurrunt excommunicationem reservatam, & Religiosi admittentes pœnam privationis officiorum, & suspensionis à divinis, ut declaravit ipse S. Pius V. per sequentem Bullam *Decet Romanum*.

Tandem ex Decreto relato Clementis VIII. in quo enumerantur hi sex Casus, excommunicatio imponitur ingredientibus Monasteria Monialium ad malum finem.

Igitur non solum excommunicatio Tridentini, sed illa etiam S. Pii V. & Gregorii XIII. supra explicata, potest absolvi à Regularibus per sua privilegia. Illa autem Clementis VIII. quæ est casus præsens, nequit à Regularibus relaxari. in Italia extra Urbem seu Romam uti dictum est supra in Capite IV. §. 2.

III. *Injectio manûs violenta in Clericum juxta Canonem Siquis svadente Diabolo.*

Ubi Consulendi sunt Morales, qui fusc explicant hujusmodi violentiam in Clericum. In dubio an percussio Clerici fuerit gravis, vel levis, semper est peccatum reservatum, quia pro Clerico, cui lex favet, stat præsumptio

ptio.
absol
Cler
ratur
IV
tum
XII
UL
ditur
spe
& se
V
U
ra M
VI
H
tur
dit
sticu
eum
refi
per
part
pro

ptio. Posse autem Confessarium Regularem absolvere Sæcularem ob percussionem levem Clerici, sicut, & potest Episcopus, mihi est ratum secundum dicta c. 4 §. 5. in fine.

IV. *Provocatio, & pugna in duello juxta decretum Concilii Tridentini, & Bullam 82. Gregorii XIII. ad Tollendam detestabilem.*

Ubi peccatum, & excommunicatio extenditur ad omnes consulentes, mandantes, spectantes non quoslibet, sed ex composito, & socios.

V. *Simonia realis scienter contracta.*

Unde sola mentalis non reservatur. Plura Morales.

VI. *Confidentia beneficalis.*

Hæc species est Simonix, quæ committitur, cum quis propria auctoritate dat, cedit aut procurat alteri beneficium Ecclesiasticum cum confidentia, seu intentione, & pacto eum obligandi, ut post aliquod tempus illud resignet sibi, vel alteri, vel cum onere ut pensionem aliquam, seu omnes fructus, vel partem fructuum solvat ipsi danti, cedenti, procuranti, aut alteri ad ejus libitum.

§. 4.

Casus Bullæ Cane.

I. **H**æretici cujuscunque Sectæ, eorumq; recepta-

receptatores, fautores, defensores. Eorumdem libros hæresim continentes, vel etiam solum de Religione tractantes scienter legentes, retinentes, imprimentes, defendentes. Item Schismatici omnes.

II. Appellantes ab ordinationibus, seu mandatis Romani Pontificis ad futurum Concilium, eorumque fautores.

III. Piratæ, Corsarii, ac latrunculi maritimi discurrentes mare Romani Pontificis, præcipue à Monte Argentario usque ad Terracinam, ac eorum fautores, receptatores, & defensores.

Unde furantes in fluminibus, vel in alio mari, item aliquando furantes, sed non expresso mare pontificium excurrentes, non incidunt in hunc casum.

IV. Surripientes bona quæcumq; naufragantium Christianorum etiam in littoribus inventa.

Si aliter illa bona essent peritura, vel si non sunt bona Christianorum, surripienti non incidunt in casum.

V. Imponentes nova pedagia, & gabellas, vel eas augentes.

Solus Papa, Imperator, Rex, & Princeps supremus habent hanc potestatem, non autem Civitas, Magistratus, seu Princeps feudatarius, nisi & his absolutum, vel mixtum imperium contingat.

VI.

VI. Falsificantes litteras Apostolicas, aut falso fabricantes.

Intellige si aliquod etiam minimum addatur, quod mutet sensum.

VII. Deferentes arma, & alia usui bellico idonea ad Turcas, & alios Christiani nominis inimicos, vel Hæreticos declaratos. Item illis denuntiantes, quæ ad Christianæ Reipublicæ, vel Catholicæ Religionis statum, pertinent in istius damnum.

Christiani existentes in regionibus illorum Infidelium licite illis arma vendunt, sicuti si Infideles venerint ad emendum ab eis, v.g. si veniant Venetias, Liburnum &c.

VIII. Impedientes eos, qui victualia, & alia necessaria Romam convehunt.

IX. Vexantes in Curia Romanâ commorantes, aut ludentes, ad eam venientes, vel ab ea recedentes.

X. Vexantes Romipetas, & Peregrinos in Urbe commorantes, vel recedentes, & in his dantes auxilium, consilium, vel favorem.

Non comprehenduntur qui Romam petunt negotiorum causâ, sed qui solius devotionis.

XI. Ludentes quomodocumque, & auxilium præstantes ad ludentem S. Ecclesiæ Cardinales, Episcopos, & alios Prælatos.

XII. Ad Curiam Romanam pro suis negotiis

gotiis recurrentes, & eorum Advocatos lādentes, seu lādere mandantes.

XIII. Appellantes à gravamine, vel à futura executione litterarum Apostolicarum ad Laicam potestatem.

XIV. Impedientes executionem litterarum Apostolicarum, aut aliarum expeditionum, & vetantes illos, qui ad S. Sedem pro gratiis impetrandis recurrunt.

XV. Iudices seculares, qui personas Ecclesiasticas ad sua tribunalia trahunt, quique Ecclesiasticam libertatē tollunt, vel minuunt.

XVI. Impedientes Prælatos ne sua jurisdictione utantur.

XVII. Usurpantes jurisdictiones fructus, redditus, & decimas ad Ecclesiam quomodolibet spectantes, vel ea omnia sequentur.

XVIII. Imponentes decimas, & alia onera personis ecclesiasticis, Ecclesiis Monasteriis, aut eorum fructibus.

XIX. Iudices, & quilibet Ministri se interponentes in causis capitalibus, seu criminalibus contra personas ecclesiasticas.

XX. Occupantes, aut detinentes bona, aut terras Ecclesiæ Romanæ immediate, vel mediate subiecta. Et tandem omnis, qui ab his casibus præsumpserit absolvere.

DE

DE

Dy

O

aliis
di ef
vata
divin
regul
quali
nunc
mos
Sci
omne
grega
Capit
neret
tione
tutum
bus de

DE PRÆSENTATIONE PRO
RÉSERVATIS.

CAPUT VI.

§. I.

Dispositio Præsentationis pro Ordine.

ONus Peccatorum reservatorum est, ut Poenitens Prælato se præsentet ad absolutionem ab eo petendam, quoniam aliis Confessariis pro illis facultas absolvendi est dempta; unde per hoc Peccata reservata appellantur. Juxta igitur jam datam divisionem quod alii sint Casus reservati regulares alii papales, & alii episcopales, qualis sit circa hos singulos juris dispositio nunc tandem est videndum. Quod ad primos attinet.

Sciendum pro Ordine nostro (ut referunt omnes nostri Scriptores) quod cum à Congregatione S. Officii fuisset impositum nostro Capitulo Generali 1613. ut modum decerneret in Religione servandum pro absolutione Casuum reservatorum, ita ab eo statutum fuit ut scilicet: Confessarii à Superioribus deputati ad audiendas, Fratrum Confessiones, eos
E etiam

etiam à Casibus reservatis absolvere valeant: ea tamen lege ut si Confessor judicaverit Pœnitentem se debere Superiorem præsentare, teneatur Pœnitens habita opportunitate ad talem Superiorem recurrere, vel ut iterum sacramentaliter absolvatur, vel ut remedium salutare recipiat. Si vero id non expedire Confessario visum fuerit, liber omnino à tali obligatione Pœnitens remaneat: ita tamen ut Confessor ipse tempore congruo ad Superiorem recurat, & salvo Confessionis sigillo, ac sine Pœnitentis nota, se à Reservatis illum absolvisse manifestet: tum ut hinc Prælatus in communi statum Religionis agnoscat, tum ut de salutaribus remediis, si opus fuerit, Confessarium instruat. Quod Decretum ab eadem S. Officii Congregatione visum, & approbatum est.

§. 2.

*Cautela Confessarii, & Pœnitentis
pro Præsentatione.*

EX his deducitur primo prudentia, & discretione Confessario opus esse in remittendo præsentationem Pœnitenti, vel sibi in assumendo. Non enim in ejus libertate, & veluti dominio est absolute utrumque posse, & velle facere. Quare si Pœnitentem facile dispositum, & vere pœnitentem inveniat, potest Confessarius etiam soli ejus pudori ex charitate consulere, & in se præsentationem

nem assumere. Similiter si prævidet, illum nimio timore non se præsentaturum esse, & multo magis si periculum famæ, vel alterius mali illi imminere prævideat. Sin verò vel frequentes in eo lapsus advertat, vel occasionibus adhærentem, vel correctioni non adeo dispositum consideret, multo magis si ex ejus vitio scandalum in alios esse, vel fore deprehendat, ipsi Pœnitenti omnino onus præsentationis debet relinquere, excepto tamen semper periculo peioris damni, ut esset, infamia &c. Hoc idem cautum est à nostro Capit. Gener. 1633. Quod si Pœnitens sic à Confessario obligatus se præsentare renuat, absolutione est indignus, quia non est rite dispositus.

Pœnitens relictus cum onere se præsentandi debet cum opportunitate, id est statim ac poterit sine sui nota, Superiori se præsentare. Quod si data opportunitate de die in diem differat, & multo magis si pluries opportunitatem se præsentandi vitaverit, graviter peccat, & in peccato remanet usque dum onus illud deponat.

Si Pœnitens ab uno ad alterum Confessarium declinet, ut ab eo eximatur ab onere se præsentandi, dummodo exponat difficultates, ob quas primus Confessarius noluit,

& sui peccati statum habitum, durationem &c. poterit ab isto altero Confessario eximi, si nimirum iste secundus videat primum fuisse irrationabilem. Ita & decifum est à Capit. Gener. 1637. Verum non tam celer fit huiusmodi alter Confessarius in damnando iudicium primi, maxime si iste primus sit ordinarius, & proprius Pœnitentis Confessarius.

§. 3.

*Modus Præsentationis à Confessario
facienda.*

Confessarius si juxta dicta onus in se suscepit præsentationis faciendæ pro Pœnitente, tempore congruo, idest vel Visitationis tempore, vel statim ac Provinciâlem videt, debet ei se præsentare. Quod si videat, nunc se præsentando facile Pœnitentem cognitum fore Prælato. v. g. quia habet unum solum Pœnitentem vel quia est Confessarius non deputatus, in quo casu nonnisi Gvardiani licentia potuit Confessionem excipere &c. debet potius præsentationem ad aliud tempus opportunius remittere.

Sive præsens fuerit Prælatus, sive absens potest semper Confessarius juxta dictam præsentiam

dentiam in se sumere onus præsentationis: quia delegatio illa semel facta à Capitulo Generali omnibus Confessariis fuit sine ulla restrictione temporis, vel loci.

Regulariter loquendo Præsentatio illi Prælato facienda est in cujus Provincia Pœnitens est absolutus: alioquin esset notam injustam inurere uni Provinciæ, si ibi denunciaretur peccatum, quod in alia est patratum. Cæterum si id commodè fieri nequeat, & si alia inconvenientia obstant, cuilibet Provinciali poterit præsentatio fieri, ut similiter declaravit Capit. Gen. 1691.

Præsentatio ista fit coram Provinciali genuflectendo, & dicendo se absolvisse unum vel plures, semel vel pluries (& exprimatur quoties) ab uno, vel à pluribus casibus reservatis, & hi casus aperiendi sunt in eorum tantum specie, v.g. quod fuerit lapsus carnis in prima, vel secunda persona, vel Furtum, vel Veneficia &c. Ita hæc specificatio imponitur, à Cap. Gen. 1663. à quo Decretum delegationis jam prædictæ in Reservata fuit confirmatum, & explicatum. Et postea ratio ipsa svadet. Nam ad quid Præsentatio illa in genere, v.g. *Absolvi à reservatis*. Nullo modo finis præsentationis hujus impositæ habetur, nam neque proinde

status Provinciæ Prælato innotescit, neque Prælatus Confessarius consilium dare potest. Uterius Confessarius suscipiendo in se onus præsentationis, onus sibi nimirum imponit faciendi illud, quod à Pœnitente faciendum erat. Atqui Pœnitenti etiam extra Confessionem se præsentanti quis assereret sufficere si diceret: *Commiservata*? Igitur & Confessarius, ut faciat illud minus, quod Pœnitenti permetteretur, nempe ut reservata aperiret tantum in specie absoluta, debet & ipse præsentationem sic facere, seu ita specifice præsentare Peccata Pœnitentis.

Verum est autem quod si periculum immineat notæ, vel infamiæ Pœnitentis, potest, imo debet Confessarius abstinere à tali specificatione, & sufficit illa præsentatio generica. Quod si Prælatus instet, ut aperiatur & species, cum humilitate respondendum est non posse licite hoc explicari.

Præsentatio faciendâ est oretenus, nunquam per litteras. Multo minus expetendæ sunt litteræ obedientiales, ut Confessarius ad se præsentandum vadat: sed ut diximus, expectanda est opportunitas.

§. 4.

Quando tollatur onus præsentationis.

Cessat onus Præsentationis faciendæ Prælato, si Pœnitens se præsentet alicui Confessario habenti potestatem absolutam super reservata. Item si hujusmodi Confessario privilegiato se præsentet Confessarius, qui in se præsentationis onus suscepit. An autem tam Pœnitens, quam Confessarius in tali casu debeat exprimere specificè reservata, an verò sufficiat vel materialis illa præsentatio absque ulla expressione reservatorum &c. quidquid alii habenas laxent, dicendum est: præsentatione, quæ exigitur, & imponitur pro reservatis, certe non esse materialem personæ præsentiam, sed expressionem reservatorum factam coram Superiore, vel alio potestatem habente. Nec sufficit quod talis in absolvendo dicat se absolvere quantum ille potest, & Pœnitens indiget: nam hoc dicit supposito quod Pœnitens debitum suum expleverit: & valet in casu quo inculpabiliter Pœnitens obliviscatur vel omnia, vel aliqua reservata recitare: nam tunc non præsupposita culpa præsumitur Confessarius velle tollere omnem reservationem.

Cessat præterea onus præsentationis tempore Jubilæi, sed est necessarium ut eo tem-

pore Pœnitens confiteatur illa reservata, quæ habet, vel Confessarius habens onus se revera præsentet Confessario legitimo. Et contraria sententia Caroli à Cremona reprobatur à decisione Cap. Gen. 1650.

Similiter contra eundem Auctorem militat Declaratio ejusdem Capituli Generalis, nimirum: *Confessarius non dispensatur ab onere se præsentandi pro suo Pœnitente, si post superveniente solemnitate Superior dederit suam facultatem absolvendi à reservatis: nisi ex certo constet de voluntate Superioris, vel Pœnitens denuo peccata reservata confiteatur.*

Tempore Jubilæi plures possunt effingi, casus, in quibus sit dubia cessatio oneris præsentationis; sed quia fere semper utraq; probabilis est opinio, ideo consulendi sunt Auctores, & maxime P. Viva in Append. de Jubilæo.

Si Pœnitens in morte quomodolibet absolvetur, ipse, & Confessarius, qui pro eo onus præsentationis susceperat, liberi fiunt à tali præsentatione facienda: nam in mortis articulo tollitur omnis reservatio, & Confessarius qui est veluti Pœnitentis Procurator, habetur in hoc casu pro uno, & eodem.

Quod quidem intelligendum est, etiamsi Pœnitens deinde convalescat. Nam hoc est discrimen inter Peccatum, & Censuram (quod est advertendum etiam pro iis, quæ §. seq. dice-

dice-
xam
deci
tus
scat
quia
dire
xa,
obli
se p
Q
Reg
vati
deci
bus
tion
à qu
sunt
prob
Papa
ti;
tur
tur,
si P
Con
re d
ut si
præf

dicemus) ut si Peccatum non habeat adnexam censuram, qualia sunt omnia illa undecim enumerata pro Regularibus, absolutus à peccato in mortis articulo, si convalescat, non teneatur se præsentare Superiori, quia reuera est ablatum peccatum, quod redire non potest; si autem Censura sit adnexa, absolutus in mortis articulo convalescens obligatur denuo ad præsentationem, & si non se præsentet, reincidit in eandem censuram.

Quæritur tandem, an præsentatio Prælato Regulari facienda sit non solum pro Reservatis intra Ordinem, sicuti sunt omnes illi undecim, Casus enumerati; sed etiam pro omnibus aliis reservatis Pontifici, quorum absolutionem jam diximus posse ex privilegiis dari à quolibet nostri Ordinis Confessario. In hoc sunt adversi Auctores. Non facile tamen improbanda est pars affirmativa. Nam illi Casus Papales nunquam desinunt esse casus reservati; & si eorum absolutio in ordine conceditur, tamen reuera solis Prælati conceditur, tamquam ipsis solis sint reservati. Ergo si Prælati committunt istorum absolutionem Confessariis subditis: isti Confessarii se gerere debent sicut in aliis reservatis Prælato: ut scilicet vel injungant Pœnitentibus onus præsentationis, vel tale onus in se suscipiant.

§. 5.

Præsentatio pro Casibus Papæ reservatis

PRæsentatio pro Casibus Papæ reservatis afficit Sæculares, nam Regulares ob sua privilegia possunt ex dictis intra Ordinem absolvi. Unde Confessarius audiens istiusmodi Casus, quos non potest absolvere, debet Pœnitentem commovere ut pro absolutione recurrat ad Pontificem, qui illorum absolutionem sibi reservavit. Verum quia ad Pontificem non est ubique facilis aditus, ideo de impedimentis, quæ circa hoc contingere possunt, consideratio est habenda.

Sciendum ergo, quod qui personaliter non potest Pontificem adire, neque tenetur literas, sive Nuncios mittere ad postulandam absolutionem, quia hoc non exigitur à Canonibus. Hoc autem posito, plura possunt esse impedimenta, quæ excusent à personali recessu ad Pontificem. Hæc autem sunt.

1. Periculum mortis in itinere, aut gravis incommodi incurrendi.
2. Infirmitas longa, etsi non periculosa, ut podagra &c.
3. Paupertas, quia nemo tenetur accedere mendicando, nisi alias mendicando viveret.
4. Ætas sive senilis, sive puerilis.
5. Fœmineus

mineus sexus. 6. Debilitas virium, cum scilicet quis impar est pedibus itinerari, & modum non habet eundi in equo, vel curru. 7. Adstrictus alteri, idest qui sui juris non est, ut Servus Filiusfamilias cum non nisi cum præjudicio Domini, vel Patris Papam possint adire. 8. Cura animarum, vel temporale dominium, quando scilicet relinqui non potest sine gravi periculo animarum, vel boni communis. 9. Quodlibet aliud motivum iudicio prudentis perpendendum.

Hæc, inquam, omnia sunt impedimenta, ob quæ Pœnitens excusatur à præsentatione faciendâ Pontifici. Sed tunc poterit ne sic impeditus à quocumque Confessario absolvi? Minime sed ab Episcopo juxta decisionem c. *Ea nescitur. De sentent. Excommunic.* & ab aliis habentibus delegationem absolvendi ab omnibus reservatis ad Episcopos. Verum cum hac distinctione, quod ita absolutus ab Episcopo si habeat impedimentum perpetuum, v.g. Monialis, Senex &c. eximitur, totaliter ab onere se præsentandi Pontifici. Si autem habeat impedimentum temporale, v.g. Filius Familias pauper &c. cessante illo impedimento, tenetur ad se præsentandum sub pœna reincidentiar in censuram, ut habet c. *Eos qui. De sentent. Excommun. in 6.* aliique plures te-

xtus.

xtus. Excipitur impuber, qui factus puber non tenetur Papam adire, sed ab Episcopo potest absolvi à censuris ante pubertatem, contractis, ut cavetur c. *Pueris. De sentent. Excommunic.*

Num autem Regulares sicuti Episcopi, possint taliter impeditos absolvere à casibus Bullæ Cœnæ, & aliis sex casibus Pontificiis, à quibus jam diximus illos absolute non posse absolvere, pro utraq; sententia certant satis graves Doctores. Sed mihi magis probatur affirmativa ob dicta superius, de Privilegiis Regularium, quibus illis datur facultas absoluta, circa reservata Sedi Apostolicæ. Nam etsi ab his excipiantur Casus Bullæ Cœnæ, & alii sex Casus, hoc intelligitur usquedum valeat illius exceptionis dispositio, nimirum usquedum Pœnitens possit Papam adire: qua possibilitate ideo ablata reddit dispositio juris communis; vel sicut tunc non dicuntur amplius reservati respectu Episcoporum, ita neque respectu Regularium, qui de se habent facultatem in reservatis ad Pontificem.

Tandem quia quandoque urget necessitas absolutionis impendendæ, v. gr. Filiosfamilias, qui alioquin notaretur infamiâ, quia ductus est ad Ecclesiam, ut accedat ad communionem

mun
De
simil
dend
ibi d
Si di
excom
indulg
zione
suo ab
nomi
fessan
tam
etiam
Omni
etiam
quod
juxta
Pont
appel

T

D
refer

munionem præ oculis habendum est c. Nuper. De sentent. Excommunicat. Quod omnibus similibus casibus favet, & timorem excedendi facultatem excludit. Dicitur enim, ibi de casu reservato cum censura Pontifici: Si difficile, sit ex aliqua justa causa, quod ad ipsum excommunicatorem absolvendus accedat, concedimus indulgendo, ut præstita juxta formam Ecclesiæ cautione, quod excommunicatoris mandato parebit, a suo absolvatur Episcopo, vel proprio Sacerdote. Ubi nomine proprii Sacerdotis intelligitur Confessarius habens ordinariam, seu delegatam jurisdictionem, sicuti communiter, etiam sic Proprius Sacerdos sumitur in c. Omnis utriusque. De Penit. & remiss. & sicuti etiam ibi notat Glossa. Verum est autem quod taliter absolutus onus semper retinet juxta regulam supra datam se præsentandi Pontifici; unde per hoc vulgo à Moralibus appellatur absolutus *indirecte*.

§. 6.

*Præsentatio pro Casibus Episcopo
reservatis.*

Data proportionē, eodem modo faciendā est præsentatio Episcopis pro Casibus ipsis reservatis, ac dictum est de reservatis Pontifici.

fici. Solum dubitatur, an sicut in casibus etiam publicis reservatis Pontifici potest inferior Pontifice, idest Episcopus ab iis absolvere; sicut mox dicebamus, & hoc ne pro dilatione absolutionis immineat grave periculum animarum, ut communiter loquuntur Doctores: ita etiam possit inferior Episcopo, idest quilibet Confessarius deputatus in ejus Diœcesi absolvere irretitos à reservatis ipsi Episcopo, quando hi similiter sunt impediti, ne adeant Episcopum.

In hoc valet cum proportionem data doctrina de Casibus Pontificiis, & solum est advertendum difficilius esse invenire impedimentum perpetuum, vel satis grave ad eundem Episcopum, vel aliquem alium, qui ab Episcopo habeat facultatem super reservata, cum soleant Episcopi, sparsim in sua Diœcesi aliquibus Viris probatoribus, hanc facile impertiri. Tamen si hoc impedimentum vere detur, dico similiter posse omnes Confessarios absolvere Pœnitentes in foro conscientiae ab omnibus Peccatis, & Censuris Episcopo reservatis, cum onere tamen pœnitentis se præsentandi Episcopo, vel ejus Delegato, cessante impedimento. Et hoc quia militat, eadem ratio ac pro Casibus Pontificiis, ut consulatur scilicet periculo Ani-

marum

maru
puto
hoc

DE

PL
cu
vel
neces
hinc
ad m

Inf
Pœni
à Por
absolv
vantu

Mu
tentia
possum
talis
tivo j
petra

marum. Hæc sententia sic moderata, non puto, reprobanda erit à Doctoribus, qui de hoc acerrime certant.

DE RECURSV AD. S. POENITENTIARIAM.

C A P U T VII.

§. I.

Motiva hujus Recursus.

PLura habent Regulares privilegia, sed cum non in omnibus absolvere possint, vel dispensare cum Sæcularibus, ideoque necesse sit ad Pontificem habere recursum, hinc aliqua pro tali recurſu describam, ut ad manum semper possint haberi.

Inscripsi hoc Caput de Recursu ad Sacram Pœnitentiariam, quia hoc est Tribunal à Pontifice institutum ad dispensandum, vel absolvendum in iis, quæ ipsi Pontifici reservantur.

Multa sunt, in quibus ad Sacram Pœnitentiariam est recurrendum, & multa etiam possunt esse motiva, ob quæ faciendus sit talis recursus: alioquin enim sine ullo motivo justo nullum rescriptum favorabile impetraretur.

I. In

I. In Votis, v. gr. in Voto Religionis ob inopiam Parentum, aut Fratrum, ob defectum dotis, ob debilitatem virium, vel ob periculum incontinentiæ. II. In impedimenti occultis Matrimonii, siue sint tantum impedientia, siue etiam dirimentia, siue Matrimonium sit contractum, siue contrahendum, modo impedimenta sint occulta. Dicuntur autem occulta cum ad forum contentiosum non sunt deducta, licet sint uni, vel alteri nota: similiter cum ob diuturnitatem temporis, aut distantiam à loco, in quo contractum est Matrimonium, iam oblita sunt, vel ignorantur. III. In Censuris, & Irregularitatibus maxime si hæc sint occulta. IV. Ad condonandam restitutionem debitam ob omissionem horarum Canonicarum. V. Ad commutandum onus recitationis horarum canonicarum pro simpliciter Beneficiatis. VI. Ad eligendum Confessarium pro reſervatis. VII. Ad transfundendum ad alium Ordinem pro utroque foro, etiam post Apostasiam à suo. Et in similibus.

In quibus autem Regulares absolvere, vel dispensare possunt juxta dicta à nobis in prioribus Capitulis, non est cur ad S. Pœnitentiarum fiat recursus.

§. 2.

Modus recurrendi,

Confessarius, qui pro Pœnitente recursum habet, extendere debet casum, pro quo petitur dispensatio, vel absolutio, in forma, epistolæ sive lingua latina, sive quacumque alia lingua vulgari & epistolam dirigere Majori Pœnitentiario.

Advertendum vero maxime ut juxta sinceram veritatem, & cum debitis, & necessariis circumstantiis casus exponatur, alioquin rescriptum nihil valeret. Cavendum etiam, ut si casus est occultus, non exprimatur nomen, nec cognomen Pœnitentis, sed nomine fictitio, aut litteris N.N. potest appellari. Exemplum Epistolæ sit hoc

Eminentissime, & Reverendissime Domine N. N. Mulier emisit Votum castitatis perpetua, sed cum adfit, vel futurum esse prævideat periculum incontinentiæ, humillime supplicat pro dispensatione ad effectum nubendi.

Deinde terminet epistolam sic: Dignetur Eminentia vestra rescribere ad N. N. & hic exprimat nomen, & cognomen sui ipsius, vel alterius Confessarii, cui responsum Pœnitentiariæ sit mittendum) ad Civitatem N. (& hic

F. expri-

exprimat nomen Civitatis vulgariter) per Oppidum N. & exprimat nomen Oppidi, si tamen Epistola sit de Civitate in Oppidum transferenda.

Quia vero, uti dicemus, responsa Pœnitentiarie mittuntur quidem ad illum, qui se in epistola nominavit, sed Breve postea concessionis dirigitur ad aliquem Doctorem, vel graduatum, ut ipse aperiat, absolvat vel dispenset, ideo sic quoque in epistola est subjungendum: *Dirigetur etiam Gratiam, seu Breve dirigere alicui Doctori, vel Magistro, ex iis qui sunt in hac Civitate, vel Oppido; & non est cur nomina istorum exprimat: vel si ex istis nullus ibi inveniat, hoc dicat, ut vel ad Parochum, vel ad simplicem etiam Confessarium Breve dirigatur. Similiter si adsint, & Pœnitens confidentiam non habeat aperiendi illis suam conscientiam.*

Foris autem sic inscribatur Epistola latino, vel vulgari sermone.

Eminentissimo, & Reverendissimo

Domino Domino

Cardinali Majori Pœnitentiaro. Romam.

Et tardante responso, Confessarius rescribat, ne forte literæ sint deperditæ.



IN R
ditio
vel di
denda
lent.

Prim
si Casus
in miss
quo re
Hoc au
stantial
tas cont
infamie
væ con
acciden
impulsi
tractum

Secu
tionis, i
alterius
culum
ditur:

Tert
trimon
te prior

§. 3.

Cautela in Rescriptis.

IN Rescriptis S. Pœnitentiariæ aliquæ conditiones, sub quibus gratia absolutionis, vel dispensationis conceditur, sunt perpendendæ. Hæ autem conditiones tales esse solent.

Primo: *Si ita est* vel *Quatenus si ita est*, scilicet si Casus expositus vere habeat illas circumstantias in missa epistola explicatas, tempore maxime quo remittitur Pœnitentiariæ rescriptum. Hoc autem intelligitur de circumstantialibus sub-stantialibus, v.g. *Periculum incontinentiæ*, *Affinitas contracta*, *Periculum revelationis impedi-entis*, *infamiae*, &c. nam istæ sunt veræ causæ moti-væ concessionis. Non autem intelligitur de accidentalibus, quæ sunt veluti causæ tantum impulsivæ, v.g. quod Matrimonium sit con-tractum bona fide &c.

Secundo addi solet: *Si sit periculum revela-tionis*, idest Impedimenti in Matrimonio, vel alterius Casus occulti, ad quod sufficit peri-culum probabile. Idem intelligitur cum ad-ditur: *Si sit periculum scandali*.

Tertio in impedimentis dirimentibus Ma-trimonium additur: *Ut dicta Muliere de nullita-te prioris consensus certiorata* &c. quod scilicet

debeat, inter Coniuges elici novus consensus ob nullitatem prioris, ita tamen ut alter Coniux in cognitionem non veniat oeculti impedimenti. Quod fieri potest vel per signa, vel per verba, v. g. Numquid si Matrimonium non contraxissemus, adhuc ne illud inire vellemus? Vel tandem, si in hoc revelationis esset periculum, per copulam novo affectu maritali consummatam.

Quarto additur: *Si satisfeceris*, idest non possit Pœnitens absolvi, vel dispensari, nisi satisfactionem dederit cui danda est, v. g. Clerico percusso, compensando iniuriam, expensas &c.

§. 4.

Cautela in Executione Absolutionis &c.

Sacrae Pœnitentiariae rescriptum ita dirigitur: *Discreto Viro, Confessori, Magistro in Theologia, vel Decretorum Doctore, ex approbatis ab Ordinario per Latorem presentium ab infrascripto specialiter eligendo.*

Ex quo eruitur, Executorem Concessionis à S. Pœnitentia non posse quemlibet esse, neque regulariter illum Confessarium, qui ad postulandam gratiam scripsit. Illud tamen est ve-

rum

rūm in
riren
quo C
prio e

Deb
Docto
farius
natur
in lib
ipse v

Est
stit. 7
& om
ut sci
possi
taria
hoc sp

Exc
ipsa C
cogno
disper
gat. I
lere c
Ad
Absol
turs t
mano
catis

rūm in rigore, quod si etiam litteræ illæ aperirentur, & executioni mandarentur ab aliquo Confessario simplici, non propterea proprio effectū, & valore carerent.

Debet igitur talis Executor esse non solum Doctor, vel Magister &c. sed etiam Confessarius approbatus ab Ordinario. Non nominatur autem expresse proprio nomine, unde in libertate erit Pœnitentis eligere quem ipse velit,

Est Privilegium Gregorii XIII. in sua Constit. 75. *Exponi Nobis* factum Societati Jesu, & omnibus Mendicantibus communicatum, ut scilicet hujusmodi Regulares Confessarii possint Executores esse Literarum S. Pœnitentiariæ. Verum consultum est, ut habeant ad hoc specialem licentiam à suo Prælato.

Executor hujusmodi debet dispensare in ipsa Confessione, vel immediate post. Debet cognoscere causam Pœnitentis, cum quo est dispensandum, si id Breve Pœnitentiariæ exigat. Potest moderare, non tamen penitus tollere opera injuncta pro Pœnitentia.

Ad formam hujusmodi Dispensationis, seu Absolutionis, etsi certa verba non præscribantur, tamen servanda est forma à Rituali Romano probata. Unde post absolutionem à peccatis, sic est addendum: *Eadem auctoritate de-*

claro,

claro, te in tuo Matrimonio manere, reddere, & petere posse debitum &c. In nomine Patris &c.

Passio Dñi nostri JESU CHRISTI &c.

Vel in Impedimento V.G: Criminis post absolutione à peccatis sic addendum est: Insuper Authoritate Apostolica dispenso tecum super Impedimento Criminis, ut cum priori putativo tuo Coniuge Matrimonium prævia renovatione mutui consensu contrahere & consummare valeas In Nomine Patris &c. Passio Domini Nostri Jesu Christi &c. Vel in Impedimento Consanguinitatis aut Affinitatis: Insuper Authoritate Apostolica mihi specialiter quoad hoc delegata dispenso tecum super Impedimento (Consanguinitatis vel Affinitatis) ut illo non obstante, prævia renovatione prioris consensu, Matrimonium Secretè contrahere & consummare valeas. Pariter eadem Authoritate Apostolica prolem susceptam, si quæ sit, vel suscipiendam legitimam esse, & fore declaro. In Nomine Patris &c. Passio Domini nostri Jesu Christi &c.

Absolutione, vel Dispensione habita lacerandæ sunt litteræ, & præcipue Sigillum, ne unquam pro Foro externo inservire possint, aliter incurreretur Excommunicatio major. Similiter hanc Excommunicationem incurreret,

ret, qui pro tali Dispensatione, vel Absolutione aliquid etiam si liberaliter, datum acciperet.

Forma dispensationis post Absolutionem à peccatis danda pro eo, qui amisit Jus petendi conjugale ob cognitionem Consanguineæ sui Conjugis in primo vel secundo gradu, ubi supra dictum est Cap. IV. §. 3.

Et insuper Authoritate Apostolica mihi specialiter delegata dispenso tecum, ut non obstante Affinitate, quam contraxisti cum Coniuge tua ex illicita copula à te habita cum ejus (Matre vel Patre &c.) debitum Conjugale à tua Coniuge etiam exigere licite possis ac valeas. In Nomine Patris &c. Passio Domini nostri Jesu Christi &c.

Forma Absolutionis Tempore Jubilæi.

Misereatur &c. Indulgentiam &c.

Dominus noster JESUS Christus per suam piissimam Misericordiam te absolvat, & ego de Potestatis Apostolicæ plenitudine mihi pro hac vice concessa, absolvo te, quatenus

nus possum & debeo, ab omni vinculo excommunicationis, suspensionis (si in Sacris est) & Interdicti, si quod incurristi. Et eadem Authoritate absolvo te, ab omnibus peccatis tuis: Iterum absolvo te ab omnibus pœnis in Purgatorio debitis, & Indulgentiam tibi concedo plenissimam virtute hujus Sancti Jubilæi. In Nomine Patris &c.

Passio Domini Nostri J E S U Christi &c.

ABSOLUTIO GENERALIS


QUæ Fratribus & Sororibus Tertij Ordinis S. P. Francisci impertienda est in Festis: Domini Nativitatis, Epiphaniæ, Cænæ Domini, Resurrectionis, Ascensionis, Pentecostes: B.V. Mariæ Purificationis, Annuntiationis, Assumptionis, Nativitatis, & Immaculatæ Conceptionis, SS. Apostolorum Petri & Pauli, S.P.N. Francisci, S. Claræ, Omnium Sanctorum, S. Matris Elisabeth, S. Catharinæ V. & M. per totam Octavam; & quater in anno seu in quatuor Temporibus, & in Articulo mortis, aut publicè à P. Directore Tertiariis congregatis, aut in particulari, post Confessionem Sacramentalem à quolibet Confessario approbato, prout declaravit Benedictus XIII. P. M. in Bulla Paterna Providentia 10. Decembris. 1725. edita si autem ad manum sint.

ulo ex-
cris est)
eadem.
peccatis
enis in
conce-
ubilæi.


66.

15

Ordi-
in Fe-
Cana-
Pente-
untia-
imma-
n Petri
Omni-
S. Ca-
et qua-
us, &
ectore
post
Con-
dictus
a 10.
anum
it.



Biblioteka Jagiellońska



stdr0025711

